



Broj: 02-04-2-1673/23
Maglaj, 06.10.2023. godine

ZAPISNIK

Sa 31. redovne sjednice Općinskog vijeća Maglaj
održane dana 06.10.2023. godine u 15:00 sati u Sali Općinskog vijeća
JU Dom kulture «Edhem Mulabdić» Maglaj

Predsjedavajuća Aida Bašić: Na osnovu člana 59. Poslovnika o radu Općinskog vijeća Maglaj, zaključaka Kolegija od 27.09.2023.godine, otvaram 31. redovnu sjednicu Općinskog vijeća Maglaj. Na današnju sjednicu pozvani su vijećnici iz parlamentarnih političkih stranaka: SDP, SDA, A-SDA, DF, HDZ BIH, i samostalni vijećnici Elvir Vehabović, Mustafa Bešić i Mirza Mešić. Poziv za sjednicu dostavljeni su OSCE terenskom uredu u Travnik, i sredstvima informisanja koji prate rad današnje sjednice Općinskog vijeća.

Pozvan je Općinski načelnik, rukovodioci općinskih Službi, Općinska pravobraniteljica, kao i predstavnici čiji materijali će biti razmatrani na današnjoj sjednici Općinskog vijeća.

Također su pozvani i zastupnici u Skupštini Zeničko-dobojskog kantona gospođa Emira Drnda-Čičeklić, gospodin Jasminko Kapić i gospodin Hajrudin Ferić.

Sve vas pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju, domovinu nam Bosnu i Hercegovinu i svim žrtvama rata.

Molim predstavnicu Službe Općinskog načelnika i Općinskog vijeća, da prozivkom vijećnika utvrdimo broj vijećnika na 30. redovnoj sjednici Općinskog vijeća.

Današnjoj sjednici Općinskog vijeća prisustvuju 24 vijećnika, nije prisutan Delić Fikret konstatujem da Općinsko vijeće može punovažno raditi i odlučivati i donositi Odluke, zaključke i rješenja, čime je ispoštovan član 88. Poslovnika o radu Općinskog vijeća Maglaj. Na današnjoj sjednici izvršit ćemo i verifikaciju zapisnika sa prethodne 30. redovne sjednice Općinskog vijeća, ima li primjedbi? Nema, ko je za verifikaciju? Konstatujem da nema primjedbi, te da smo verifikovali zapisnik sa 30. Redovne sjednice Općinskog vijeća Maglaj. Prije nego što otvorim raspravu po pitanju Dnevnog reda, pozivam Kolegij Općinskog vijeća da održimo kratku sjednicu. Otvaram raspravu i stavljam zapisnik na glasanje, ko je za?

Glasalo za : Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, (SDP), Mustafa Bešić (samostalni vijećnik), Aida Bašić (A-SDA). Pero Mamić (HDZ BH), Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusur, Edin Osmić (SDA), Mirza Mešić (samostalni vijećnik).

Glasalo protiv: Nema.

Uzdržanih: Nema.

Konstatujem da smo jednoglasno verifikovali zapisnik sa protekle sjednice. Hvala Firuze, na sugestiji. Evo nakon sjednice Kolegija a prije rasprave po pitanju Dnevnog reda dužna sam da upoznam vijećnike o dopisu koji je pristigao pred samu sjednicu, na protokol, gdje je Gračić Dženana nas obavijestila, odnosno navela ovako.“Ovim Putem Vas obavještavam da povlačim ostavku koju sam, podnijela dana 24.05.2023. godine na mjesto člana Nadzornog odbora Komunalnog javnog društva d.o.o. Maglaj. Te da ću u narednom periodu nastaviti obavljati

funkciju na koju sam imenovana.“ Može izvolite. Otvaram raspravu. Kad bude raspravljat ćemo, ima li potrebe za Klubove za pauzu. Obrazloženje samo. Evo Emina će vam ponuditi obrazloženje.

Emina Hasanić: Prije svega selamim vas i pozdravljam. Dženana Gračić, kao predsjednik Nadzornog odbora je podnijela ranije ostavku na mjesto člana Nadzornog odbora 24.05.2023. godine, ostavku odnosno njeno razrješenje, razrješava je Skupština Komunalnog javnog društva. Vi kao Općinsko vijeće dajete samo saglasnost na njeno razrješenje. S obzirom, da je njena ostavka podnesena do momenta okončanja konkursne procedure za imenovanje direktora Komunalnog javnog društva, kao točka na Dnevnom redu današnje sjednice našlo se Rješenje o razrješenju, odnosno u Odluci da stoji da do smaog imenovanja razrješava se onim momentom kada se imenuje direktor Komunalnog javnog društva. Danas je došlo povlačenje ove ostavke, s obzirom da Općinsko vijeće ne razrješava Dženanu, ono ne može ništa ni raditi po ovom pitanju. Skupština društva je razrješava, Skupština je ta koja će dostaviti nama ovaj obavještenje, odnosno upoznati nas sa njenom ostavkom. Na kraju krajeva, vi kao Općinsko vijeće odnosno 76 % udjela u Komunalnom javnom društvu ćete preko svog punomoćnika glasati za njenog razrješenje, odnosno za nerazrješenje na samoj Skupštini koaj se dešava u toku godine otprilike jednom redovna Skupština Komunalnog javnog društva a prilikom svakog održavanja Skupštine Komunalnog javnog društva, dostavi se poziv sa Dnevnim redom i na Dnevnom redu bude sve ono što ste vi u toku čitave godine donosili odnosno glasali.

Predsjedavajuća Aida Bašić: Hvala Emina. Begić izvolite.

Vijećnik Jasmin Begić: Ja vas sve selamim i pozdravljam. Mi smo dobili materijal za ovu sjednicu Općinskog vijeća. Ovo o čemu govore dopredsjedavajuća i pravnica ove službe je to da se može smatrati kao proširenje Dnevnog reda. Mi ovdje raspravljamo o ostavci, raspravljat ćemo o ostavci koja je dostavljena Općinskom vijeću, pisana ostavka i mi ćemo o njoj raspravljati. Nadam se da ćemo izglasati Dnevni red ovakav kakav jeste, bez dopune i dodatnih prijedloga. Zato kažem ovo što je Emina rekla to je sve uredu da to ide normalnom procedurom. Dnevni red glasi pod 4. Prijedlog Odluke o davanju prethodne saglasnosti na Prijedlog Rješenja o razrješenju i mi ćemo o toj tački danas raspravljati i zavisi i znat ćemo da li ćemo prihvatiti ovu ostavku ili je nećemo prihvatiti a ove dopune možemo slobodno smatrati kao dopune Dnevnog reda i ja sam sigurna da moj Klub neće prihvatiti.

Predsjedavajuća Aida Bašić: Hvala Begiću, pauza na zahtjev Kluba SDA. Nastavljamo s radom. Gospođa Zamboni izvolite.

Vijećnica Svjetlana Zamboni: Kad se otvori rasprava po pitanju Dnevnog reda iznijet ćemo i svoj stav po pitanju ovog Prijedloga.

Predsjedavajuća Aida Bašić: Hvala, samo da konstatujem da je Fikret Delić stigao na sjednicu. Maide, da li ćete iznositi stav ili mišljenje. Hvala, možemo nastaviti dalje. za današnju sjednicu predložen je sljedeći Dnevni red:

DNEVNI RED

1. Izbor rukovodstva Općinskog vijeća Maglaj:
 - a) Prijedlog Rješenja o imenovanju predsjedavajućeg Općinskog vijeća Maglaj
 - b) Prijedlog Rješenja o razrješenju zamjenika predsjedavajućeg/dopredsjedavajućeg Općinskog vijeća Maglaj
 - c) Prijedlog Rješenja o imenovanju zamjenika predsjedavajućeg/dopredsjedavajućeg Općinskog vijeća Maglaj
2. Nacrt Poslovnika o radu Općinskog vijeća Maglaj
3. Prijedlog Odluke o imenovanju jednog člana Općinske izborne komisije Maglaj
4. a) Prijedlog Odluke o davanju prethodne saglasnosti na prijedlog Rješenja orazrješenju člana Nadzornog odbora Komunalno javnog društva d.o.o. Maglaj
- b) Prijedlog Odluke o pokretanju procedure izbora i imenovanja jednog člana Nadzornog odbora Komunalno javnog društva d.o.o. Maglaj

- c) Prijedlog Rješenja o imenovanju Komisije za izbor na upražnjenu poziciju u reguliranom organu Općine Maglaj (Komunalno javno društvo d.o.o. Maglaj)
5. Plan i program održavanja sistema javne rasvjete sa finansijskim pokazateljima za 2023. godinu
 6. Izvještaj o održavanju i sanaciji javne rasvjete sa finansijskim pokazateljima
 7. Izvještaj o implementaciji Strategije razvoja Općine Maglaj 2021.-2027. – Izvještaj o razvoju za 2022. godinu
 8. Informacija o realizaciji preporuka revizije Općine Maglaj za 2020. godinu.

Predsjedavajuća Aida Bašić: Otvaram raspravu po pitanju Dnevnog reda, gospodin Mešić pa gospođa Zamboni.

Vijećnik Mirza Mešić: Pozdravljam sve prisutne. Obzirom na Kolegiju kada smo dogovarali Dnevni red da smo mi imali prijedlog, odnosno ostavku predsjednice Nadzornog odbora Komunalnog javnog društva Maglaj koja je trebala da bude završena onog momenta kad bude izabran direktor i na osnovu te ostavke mi smo formirali tačku Dnevnog reda, međutim danas smo dobili informaciju da se ta ostavka povlači, samim tim ova tačka ne može ni da bude na Dnevnom redu pa ja predlažem da se skine sa Dnevnog reda.

Predsjedavajuća Aida Bašić: Hvala Mirza. Gospođa Zamboni izvolite.

Vijećnica Svjetlana Zamboni: Slično kao što je i prethodnik rekao uzimajući u obzir da je prethodno podnešena ostavka podrazumjevala podnošenje ostavke po okončanju procedure izbora i imenovanja direktora i uzimajući u obzir činjenicu da se ovim dopisom povlači ova ostavka, također predlažemo skidanje ove tačke sa Dnevnog reda.

Predsjedavajuća Aida Bašić: Hvala Svjetlana, da li ima još diskutana? Nema. Koliko mi se čini prijedlog i gospođe Zamboni i gospodina Mešića je isti, povlačenje tačke 4. sa predloženog Dnevnog reda pa evo prvo ćemo se izjasniti i o prijedlozima. Ima li potrebe Svjetlana da razdvajamo ili može zajedno. Isti je prijedlog. Znači stavljam prijedlog Mirze i Svjetlane na glasanje. Ko je za skidanje ovog prijedloga tačke?

Glasalo za: Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Aida Bašić (A-SDA), Pero Mamić (HDZ BH), Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusr, Edin Osmić (SDA), Mirza Mešić (samostalni vijećnik).

Glasalo protiv: Nema.

Uzdržanih: Nema.

Konstatujem da smo jednoglasno prihvatili ovaj prijedlog te da tačku 4. skidamo sa Dnevnog reda. Shodno tome na Dnevnom redu će ostati 7 tačaka. Prelazimo na tačku 1. Da pročitam ponovo Dnevni red? Ima li prijedloga za dopunu Dnevnog reda, dobro može. Evo nakon vašeg prijedloga pročitat ću ponovo Dnevni red uz uvažavanje ovog što smo izglasali, skidanje tačke 4. sa Dnevnog reda.

DNEVNI RED

1. Izbor rukovodstva Općinskog vijeća Maglaj:
 - a) Prijedlog Rješenja o imenovanju predsjedavajućeg Općinskog vijeća Maglaj
 - b) Prijedlog Rješenja o razrješenju zamjenika predsjedavajućeg/dopredsjedavajućeg Općinskog vijeća Maglaj
 - c) Prijedlog Rješenja o imenovanju zamjenika predsjedavajućeg/dopredsjedavajućeg Općinskog vijeća Maglaj
2. Nacrt Poslovnika o radu Općinskog vijeća Maglaj
3. Prijedlog Odluke o imenovanju jednog člana Općinske izborne komisije Maglaj
4. Plan i program održavanja sistema javne rasvjete sa finansijskim pokazateljima za 2023. godinu

5. Izvještaj o održavanju i sanaciji javne rasvjete sa finansijskim pokazateljima
6. Izvještaj o implementaciji Strategije razvoja Općine Maglaj 2021.-2027. – Izvještaj o razvoju za 2022. godinu
7. Informacija o realizaciji preporuka revizije Općine Maglaj za 2020. godinu.

Predsjedavajuća Aida Bašić: Ko je za ovakav predloženi Dnevni red?

Glasalo za: Svjetlana Zamboni, Elvir Arnautović, Jasmin Đuhara, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Aida Bašić (A-SDA), Pero Mamić (HDZ BH), Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bežić, Eldis Kusur, Edin Osmić (SDA), Mirza Mešić (samostalni vijećnik).

Glasalo protiv: Nema.

Uzdržanih: Nema.

Konstatujem da smo jednoglasno usvojili predloženi Dnevni red koji sam pročitala.

AD 1. a) Prijedlog Rješenja o imenovanju predsjedavajućeg Općinskog vijeća Maglaj

b) Prijedlog Rješenja o razrješenju zamjenika predsjedavajućeg/dopredsjedavajućeg Općinskog vijeća Maglaj

c) Prijedlog Rješenja o imenovanju zamjenika predsjedavajućeg/dopredsjedavajućeg Općinskog vijeća Maglaj

Predsjedavajuća Aida Bašić: Prelazimo na prvu tačku a to je Izbor rukovodstva Općinskog vijeća Maglaj, pod a) Imenovanje predsjedavajuće Općinskog vijeća Maglaj, pod b) Prijedlog Rješenja o razrješenju zamjenika predsjedavajućeg/dopredsjedavajuće Općinskog vijeća Maglaj i pod c) Prijedlog Rješenja o imenovanju zamjenika predsjedavajućeg/dopredsjedavajućeg Općinskog vijeća Maglaj. Otvaram raspravu a prije toga ću se pozvati na član 17. Poslovnika o radu Općinskog vijeća koji kaže da kandidata za predsjedavajućeg može predložiti Komisija za izbor i imenovanje kao i svaki vijećnik ili grupa vijećnika. Povodom zaključka sa prethodne sjednice Općinskog vijeća koji se odnosio na Rješenje o razrješenju Svjetlane Zamboni dužnosti predsjedavajućeg Općinskog vijeća Maglaj Komisija za izbor i imenovanja u skladu sa svojim obavezama i ovlaštenjima iz Poslovnika o radu održala je dvije sjednice. O zaključcima i prijedlozima Komisije će nas izvijestiti predsjednik Komisije za izbor i imenovanja, prije toga u skladu sa Poslovnikom o radu dužna sam da vas pitam da li će se glasanje vršiti tajno ili javno, pa vas molim da se izjasnite. Ko je za tajno glasanje za izbor predsjedavajuće, niko. Javno glasanje, konstatujem da se Općinsko vijeće opredjelilo za javno glasanje po pitanju izbora predsjedavajuće. Pozivam gospodina Šehića da nas upozna o prijedlozima koje je komisija u proteklom periodu zaprimila.

Vijećnik Senad Šehić: Zahvaljujem se, sve vas lijepo pozdravljam dakle evo kako je i dopredsjedavajuća rekla Komisija za izbor i imenovanje je u skladu sa Poslovnikom održala svoju sjednicu 22.09.2023. godine. Dakle na temu utvrđivanja kandidata za izbor predsjedavajuće, dopredsjedavajućeg Općinskog vijeća Maglaj. Dakle shodno zaprimljenim prijedlozima političkih subjekata za izbor i imenovanja predsjedavajućeg Općinskog vijeća Maglaj, Komisija za izbor i imenovanje je jednoglasno predložila Aidu Bašić za predsjedavajuću Općinskog vijeća. Mi smo tog dana zasjedali u punom sastavu, tu su prisutni i svi kolege članovi komisije. Mi smo na stolu imali nekoliko prijedloga političkih subjekata. Čini mi se imali smo prijedlog A-SDA, Mješovitog kluba Vehabović-Bašić, imali smo prijedlog DF-a, imali smo obrazloženje SDA da u suštini nema kandidata za ovu poziciju, također SDP se nije očitovao po tom pozivu. Iz SDP-a je navedeno, to jeste, ja sam na samoj komisiji u ime SDP-a prisutne sve upoznao da će SDP se očitovati o svojim prijedlozima na samoj sjednici Vijeća. Svi pristigli prijedlozi ovi koje smo imali na stolu su sadržavali ime gospođe Aide Bašić, tako da komisiji nije preostalo ništa drugo. Na kraju krajeva

takav je rezultat bio i glasanja, da je jednoglasno prihvaćeno ime kandidatkinje Aide Bašić za predsjedavajuću, tako da evo to je ukratko stav komisije.

Predsjedavajuća Aida Bašić: Hvala Senade. Evo čuli ste zaključke i prijedlog Komisije za izbor i imenovanja. U svakom slučaju u skladu sa Poslovníkom otvaram raspravu, ukoliko ima još nekih prijedloga. Nema. Na zahtjev Kluba SDP-a pauza. Nastavljamo s radom, da li će Klub SDP-a iznositi mišljenje, neće. Mislim da nisam rekla da zatvaram raspravu, ukoliko još. Bešić izvolite, evo ako imaš nešto izvolite.

Vijećnik Mustafa Bešić: Evo ja vas sve selamim i pozdravljam pošto izlazim prvi put. Pošto imamo prijedlog predsjedavajuću Aidu Bašić i vidim neću moći uticati na izbor ali ja ću iznijeti svoje mišljenje. Ja sam Aidu prvi put podržao, drugi put sam bio sa njom kolega i radio sa njom, međutim Aida ne zaslužuje moju podršku nikako. Aida je nefer ispala prema Bešić Mustafi, to je moje mišljenje i moj stav. Neću da obrazlažem više, jednostavno neću podržati. Ja neću moći uticati, vi ćete izglasati ali evo jako je meni bitno da kažem svoje mišljenje.

Predsjedavajuća Aida Bašić: Hvala gospodine Bešiću. Da li se još neko javlja za riječ ako nema zatvaram raspravu i obzirom da imamo prijedlog, jedan prijedlog od strane Komisije za izbor i imenovanja a to je prijedlog da se Aida Bašić imenuje za predsjedavajuću Općinskog vijeća Maglaj, ko je za?

Glasalo za : Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Aida Bašić (A-SDA), Pero Mamić (HDZ BH), Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusur, Edin Osmić (SDA), Mirza Mešić (samostalni vijećnik).

Glasalo protiv: Mustafa Bešić (samostalni vijećnik).

Uzdržanih: Nema.

Konstatujem da je sa 24 glasa za, 1 protiv bez uzdržanih, prijedlog da Aida Bašić se imenuje za predsjedavajuću Općinskog vijeća Maglaj usvojen. Stoga moje je da se na ovu temu očitujem da prihvatam kandidaturu i da kažem u skladu sa ovim glasanjem po automatizmu mjesto dopredsjedavajuće ostaje upražnjeno te je sasvim prirodan slijed da je tačka b) usko vezana za tačku a) stoga ću ove dvije tačke staviti na glasanje. Znači Prijedlog Rješenja o imenovanju predsjedavajuće Općinskog vijeća Maglaj Aide Bašić na mjesto predsjedavajuće Općinskog vijeća Maglaj i Prijedlog Rješenja o razrješenju zamjenika predsjedavajućeg/dopredsjedavajuće Općinskog vijeća Maglaj. Znači ove dvije tačke ćemo staviti na glasanje zajedno, ko je za?

Vijećnica Svjetlana Zamboni: Ja vam čestitam prije svega na izboru ali mi smo se već izjasnili o izboru predsjedavajućeg, tako da nema razloga se ponovo izjašnjavamo o prijedlogu predsjedavajuće nego samo o razrješenju koje je prirodno. Ne trebamo dva puta glasati za isti prijedlog.

Predsjedavajuća Aida Bašić: Htjela sam da bude sve što je na Dnevnom redu, hvala Svjetlana svakako. Ne želim nešto da ostane nerazrješeno. Eldis izvolite.

Vijećnik Eldis Kusur: Ja vas sve selamim i pozdravljam, evo slažem se sa Svjetlanom, prvo bih čestitao Aidi Bašić na imenovanju za predsjedavajuću Općinskog vijeća i želim joj ugodan i uspješan rad zajedno sa nama, da završimo i ovaj mandat akobogda uspješno svi. Zaista mogli bi samo glasati po tački b) Vašem razrješenju a tačka a) je već usvojena tako da nema potrebe da ponovo glasamo.

Predsjedavajuća Aida Bašić: Ukoliko se slažete onda ćemo postupiti u skladu sa ovim što ste predložili pa ću staviti tačku b) na glasanje. Ko je za?

Glasalo za : Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Aida Bašić (A-SDA), Pero Mamić (HDZ BH), Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusur, Edin Osmić (SDA), Mirza Mešić (samostalni vijećnik).

Glasalo protiv: Mustafa Bešić (samostalni vijećnik).

Uzdržanih: Nema.

Konstatujem da je sa 24 glasa za, jednim protiv usvojen Prijedlog Rješenja o razrješenju zamjenika predsjedavajućeg/dopredsjedavajućeg Općinskog vijeća Maglaj Aide Bašić. Ustvari prije ovog želim da vam se obratim.

Vijećnica Aida Bašić: Još jednom sve vas selamim i pozdravljam i želim da vam se svim zahvalim. Velika je čast i zadovoljstvo što sam i prije 3 godine, eto tada je bilo jednoglasno sada sa 1 glasom manje, znači, izabrana prvo na mjesto dopredsjedavajuće, sada na mjesto predsjedavajuće. Ovo je demokratsko društvo. Hvala vam na povjerenju. Da sutra promijenite mišljenje, odlučite drugačije zaista ovo je kako bi mnogi rekli samo politika. Ja se nadam da ću dužnost obavljati moralno, časno i pošteno kako mi oduvijek i dolikuje. Tako da eto, drago mi je što sam bila prijedlog i zahvaljujem se ovako javno Općinskoj organizaciji DF Maglaj, naravno svojoj matičnoj organizaciji A-SDA Maglaj kao i doktoru Vehaboviću koji me predložio i naravno na podršci SDP-a Maglaj, kao i SDA. Hvala vam lijepo.

Predsjedavajuća Aida Bašić: Nastavljamo dalje. imamo znači pod c) Prijedlog Rješenja o imenovanju zamjenika predsjedavajućeg/dopredsjedavajućeg Općinskog vijeća Maglaj. Postupak je isti kao i kod predsjedavajućeg, te ću se ponovo pozvati na član 17. Poslovnika o radu i podsjeti nas sve zajedno. Načelnice, izvinite molim Vas, izvolite.

Mirsad Mahmutagić, Općinski načelnik: Hvala evo koristim priliku da vas sve srdačno pozdravim i poselamim. Ja ću vrlo kratko evo sedam godina obnašam funkciju Načelnika u ovom mandatu imali smo u rukovodstvu gospođu Zamboni i gospođu Aidu Bašić. Želim im se objema zahvaliti na dosadašnjoj saradnji i funkcionisale su kao tim. Ja sam u potpunosti zadovoljan bio u ove protekle tri godine. Gospođi Zamboni se želim zahvaliti za svih sedam godina u kojima je vodila Vijeće vrlo korektno i profesionalno i znam da joj je bio plan svakako bez obzira na način na koji je odstupila bio joj je plan sa septembrom mjesecom da se makne od mandata iz privatnih razloga, ne mandata nego predsjedavajuće. Vama gospođu Bašić, s obzirom da ste i do sada bili u užem rukovodstvu Vijeća želim sreću sada sa preuzimanjem funkcije predsjedavajuće Općinskog vijeća i ubijeden sam da ćemo nastaviti zajedno funkcionisati u korist građana općine Maglaj. Hvala Svjetlani i sretno Vama i da idemo dalje surađivati.

Predsjedavajuća Aida Bašić: Hvala od srca i ja se nadam. Još uvijek smo na prvoj tački, pod c) Prijedlog Rješenja o imenovanju zamjenika predsjedavajućeg/dopredsjedavajućeg Općinskog vijeća Maglaj. Kako sam maloprije i rekla, član 17. definiše da kandidata za predsjedavajućeg i dopredsjedavajućeg Općinskog vijeća Maglaj može predložiti Komisija za izbor i imenovanje kao i svaki vijećnik ili grupa vijećnika. Obzirom da su članovi Komisije za izbor i imenovanje prisutni na samoj sjednici. Ja ću otvoriti raspravu i nakon što prikupimo prijedloge prosljediti ćemo ih Komisiji za izbor i imenovanje na odlučivanje, odnosno donošenje konkretnog zaključka. Otvaram raspravu, gospodin Firuz izvolite.

Vijećnik Firuz Galijašević: Pozdravljam sve prisutne, neću dugo samo ću dati prijedlog za mjesto dopredsjedavajuće, naša drugarica Anida Šahman.

Predsjedavajuća Aida Bašić: Hvala Firuze, Perhat izvolite.

Vijećnik Eldin Pehrat: Ja vas sve srdačno selamim i pozdravljam. Koristim ovu priliku da čestitam gospođi Aidi Bašić na preuzimanju funkcije predsjedavajuće Općinskog vijeća. Također, mi kao Klub vijećnika SDA na mjesto dopredsjedavajuće Općinskog vijeća predlažemo gospođu Aidu Hadžić.

Predsjedavajuća Aida Bašić: Hvala lijepo, Vehabović izvolite.

Vijećnik Elvir Vehabović: Prvo da vas sve pozdravim, da čestitam predsjedavajućoj Aidi Bašić na novoj funkciji da kažem. Ja sam i u pisanoj formi dostavio već prethodno komisiji svoj prijedlog i za predsjedavajuću i dopredsjedavajuću. Ovdje ću opet ponoviti da je prijedlog Mješovitog kluba za mjesto dopredsjedavajuće Aida Hadžić.

Predsjedavajuća Aida Bašić: Hvala Vehaboviću, da li ima još prijedloga? Nema, ja bih sada pozvala Komisiju za izbor i imenovanja, zatvaram ustvari raspravu i pozivam Komisiju za izbor i imenovanje da prikupljene prijedloge analizira i donese zaključak. Nastavljamo dalje, pozivam predsjednika Komisije za izbor i imenovanje da nam iznese prijedlog komisije.

Vijećnik Senad Šehić: Ujedno izvinjavam se što smo malo duže ostali, iskoristili smo priliku da ovu Komisiju iskoristimo i za pauzu Kluba, pa se izvinjavam što smo malo kasnili. Iznijet ću ovo što se sada dešavalo na posljednoj komisiji. Dakle imali smo dva prijedloga koja smo i primili putem govornice. Dakle, ako trebaju i detalji Anida Šahman je dobila dva glasa za a tri člana komisija su bila suzdržana i drugi prijedlog Aida Hadžić tri člana su bila za a dva suzdržana. Ono što moram iskreno i napomenuti da je prijedlog Aide Hadžić za dopredsjedavajuću i ranije došao na komisiju u pismenoj formi od istih onih Klubova i političkih subjekata koji su kandidovali i Vas predsjedavajuća. Mi se tada nismo očitovali po tom pitanju dok se ne razrješi pozicija dopredsjedavajuće. Tako da evo to je sada stav komisije, imamo jedan prijedlog o kojem se trebamo izjasniti.

Predsjedavajuća Aida Bašić: Hvala Senade. Onda ćemo preći na glasanje o prijedlogu komisije a to je prijedlog da se gospođa Aida Hadžić imenuje na mjesto dopredsjedavajuće Općinskog vijeća, ko je za?

Glasalo za: Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bežić, Eldis Kusur, Edin Osmić (SDA), Mirza Mešić (samostalni vijećnik), Aida Bašić (A-SDA).

Glasalo protiv: Svjetlana Zamboni, Elvir Arnautović, Jasmin Đuhara, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić (SDP), Pero Mamić (HDZ BH), Mustafa Bešić (samostalni vijećnik).

Uzdržanih: Fikret Delić (SDP).

Nakon ovog glasanja mogu da konstatujem da je prijedlog Komisije za izbor i imenovanje dobio potrebnu većinu a to je da je gospođa Hadžić izabrana na funkciju dopredsjedavajuće Općinskog vijeća Maglaj. Ovim putem ja Vam čestitam i pozivam Vas da mi se pridružite.

Vijećnica Aida Hadžić: Da se i ja zahvalim na ovom izboru i nadam se da ću biti od pomoći predsjedavajućoj a svakako kao vijećnica sam se opredjelila da sve ovo što radimo ko i sama naša stranka bude u korist svih naših građana tako da želim nam sretan rad svima.

Predsjedavajuća Aida Bašić: Hvala gospođo Hadžić. Ja vas molim da oprostite ukoliko je bilo nekih sitnih tehničkih grešaka obzirom da imamo jednu informaciju koja svima teško pada. Nadam se da će se riješiti u najboljem slučaju.

ZAKLJUČAK

- 2.1. Donosi se Rješenje o imenovanju predsjedavajuće Općinskog vijeća Maglaj, kojim se Aida Bašić imenuje na dužnost predsjedavajuće Općinskog vijeća Maglaj.
- 2.2. Donosi se Rješenje o razrješenju zamjenice predsjedavajuće/dopredsjedavajuće Općinskog vijeća Maglaj, kojim se Aida Bašić razrješava dužnosti zamjenice predsjedavajuće/dopredsjedavajuće Općinskog vijeća Maglaj.
- 2.3. Donosi se Rješenje o imenovanju zamjenice predsjedavajuće/dopredsjedavajuće Općinskog vijeća Maglaj, kojim se Aida Hadžić imenuje na dužnost zamjenice predsjedavajuće/dopredsjedavajuće Općinskog vijeća Maglaj.

AD 2. Nacrt Poslovnika o radu Općinskog vijeća Maglaj

Predsjedavajuća Aida Bašić: Prelazimo na tačku 2. a to je Nacrt Poslovnika o radu Općinskog vijeća Maglaj, otvaram raspravu, gospodin Bežić izvolite.

Vijećnik Mirsad Bežić: Selamim i pozdravljam sve prisutne. Klub vijećnika SDA Maglaj razmatrao je Nacrt Poslovnika o radu Općinskog vijeća Maglaj i uočio nekolicinu članova Poslovnika koji bi trebali biti modifikovani. Primjedbe i prijedlozi u vezi tih članova bit će

pismeno dostavljene predlagaču. Klub vijećnika SDA će podržati ponudeni Nacrt Poslovnika o radu Općinskog vijeća kao osnovu za provođenje javne rasprave. Predlažemo da Nacrt Poslovnika ide u javnu raspravu od najmanje 30 dana te da se svim parlamentarnim strankama i samostalnim vijećnicima Općinskog vijeća dostavi poziv da dostavi svoje prijedloge za izmjene i dopune Nacrta s ciljem da kreiramo što kvalitetniji Poslovnik o radu Općinskog vijeća. Hvala.

Predsjedavajuća Aida Bašić: Hvala gospodine Bežić. Gospođa Zamboni, izvolite.

Vijećnica Svjetlana Zamboni: Već duže vrijeme čekamo da ovaj Nacrt ugleda svjetlost dana i onako kako je diskusija vođena u ranijem periodu svakako podržat ćemo ovaj Nacrt, pozvati sve političke subjekte da daju svoje prijedloge a posebno uvažavajući određene i tehničke a i druge probleme i nesuglasice koje smo imali kada je naš Poslovnik u pitanju. Slažemo se da taj period javne rasprave bude 30 dana kako su i prethodnici predložili.

Predsjedavajuća Aida Bašić: Hvala gospođu Zamboni. Da li ima još diskutanata? Ukoliko nema, ja ću također vas izvijestiti da je Komisija za statutarna pitanja analizirala i dala određene zaključke na temu Nacrta Poslovnika o radu Općinskog vijeća Maglaj. Tu je i predsjednik Komisije za statutarna pitanja, pa ukoliko bude potrebe može nam se i obratiti. Evo ja ću zaključak iznijeti po ovom pitanju. Komisija je na svojoj sjednici razmatrala Nacrt Poslovnika o radu Općinskog vijeća Maglaj i utvrdila da je u preambuli navedenog akta sadržan pravni osnov koji proisuje nadležnost Općinskog vijeća Maglaj, da razmatra i postupa u skladu sa važećim propisima. Komisija konstatuje da je Služba Općinskog načelnika i Općinskog vijeća u toku izrade Nacrta Poslovnika djelimično uzela u obzir i uvrstila sugestije i rješenja Komisije za statutarna pitanja, Poslovnik i propise Općinskog vijeća Maglaj koje je imalo u periodu pripreme Nacrta Poslovnika. Služba Općinskog načelnika i Općinskog vijeća je Nacrt Poslovnika blagovremeno dostavila i članovima Komisije za statutarna pitanja, Poslovnik i propise kako bi komisija mogla utvrditi konačni Prijedlog Poslovnika a što je propisano Poslovnikom o radu Općinskog vijeća Maglaj kao obaveza komisije. Komisija sugeriše Općinskom vijeću da tokom perioda obavljanja rasprave po Nacrtu Poslovnika o radu Općinskog vijeća Maglaj dostave sve sugestije, prijedloge i primjedbe. Ovo je bio zaključak komisije. Gospodine Feriću, da li ima potrebe da, nema. Jasno je sve. Ja ću ukoliko nema više diskutanata, staviti prijedlog Kluba SDA na glasanje. U suštini i gospođa Zamboni se osvrnula poprilično isto na istu temu javne rasprave roka i dostave prijedloga od strane političkih partija i drugih zainteresovanih koji imaju pravo na to. Ko je za prijedlog koji je Klub SDA iznio? Zjednički je da.

Glasalo za: Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bežić, Eldis Kusr, Edin Osmić (SDA), Mirza Mešić (samostalni vijećnik), Aida Bašić (A-SDA), Svjetlana Zamboni, Elvir Arnautović, Jasmin Đuhara, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Pero Mamić (HDZ BH), Mustafa Bešić (samostalni vijećnik).

Glasalo protiv: Nema.

Uzdržanih: Nema.

Konstatujem da je prijedlog dobio potrebnu većinu, te da ovaj Nacrt Poslovnika o radu Općinskog vijeća Maglaj ide u javnu raspravu od 30 dana. Ovaj Nacrt uz ove sugestije koje smo rekli i naravno uz uvažavanje zaključka Statutarne komisije, stavljam na glasanje ko je za?

Glasalo za: Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bežić, Eldis Kusr, Edin Osmić (SDA), Mirza Mešić (samostalni vijećnik), Aida Bašić (A-SDA), Svjetlana Zamboni, Elvir Arnautović, Jasmin Đuhara, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Pero Mamić (HDZ BH), Mustafa Bešić (samostalni vijećnik).

Glasalo protiv: Nema.

Uzdržanih: Nema.

Konstatujem da je Nacrt Poslovnika dobio potrebnu većinu, odnosno da smo jednoglasno donijeli ovaj Nacrt.

ZAKLJUČAK

- 3.1. Donosi se Nacrt Poslovnika o radu Općinskog vijeća Maglaj.
- 3.2. Rok za provođenje javne rasprave na Nacrt Poslovnika o radu Općinskog vijeća Maglaj je 30 (trideset) dana.
- 3.3. Svim parlamentarnim strankama i samostalnim vijećnicima u Općinskom vijeću Maglaj bit će dostavljen Poziv kako bi u periodu javne rasprave dostavili svoje sugestije, prijedloge i primjedbe na Nacrt Poslovnika o radu Općinskog vijeća Maglaj.

AD 3. Prijedlog Odluke o imenovanju jednog člana Općinske izborne komisije Maglaj

Predsjedavajuća Aida Bašić: Prelazimo na tačku 3. Prijedlog Odluke o imenovanju člana Općinske izborne komisije Maglaj. Otvaram raspravu te pozivam uvodničara da nam se obrati.

Jasminka Saračević: Dakle ova informacija, odnosno Izvještaj o radu Komisije za provođenje procedure za izbor i imenovanje jednog člana Općinske izborne komisije, odradila je komisija svoj posao kako treba. Po prijavljenom javnom pozivu pristigle su dvije prijave. Jedna je prijava Emina Herceg, druga prijava nam je došla od gospođe Ume Isić. Međutim, obzirom da je komisija imala dileme vezano za to pošto se radi o rukovodećem službeniku, odnosno pomoćniku Općinskog načelnika, mi smo zatražili mišljenje od Centralne izborne komisije ali su se oni oglasili da nisu nadležni da daju ikakva tumačenja vezano za ove odredbe Izbornog zakona tako da smo mi nastavili sa radom. Mišljenje Komisije za provođenje postupka ja imenovanje jednog člana Općinske izborne komisije je bilo da gospođa Uma Isić ne ispunjava uslove iz razloga što se radi o rukovodećem službeniku i to smo mi obrazložili u ovoj informaciji koju smo dostavili Općinskom vijeću. Ovaj drugi kandidat je znači provedena je procedura kako je već predviđeno u Upustvu o utvrđivanju kvalifikacije i imenovanju, obuci i ostalome što je već navedeno u ovoj informaciji. Obavljen je intervju i izvršeno je bodovanje, sačinjena je rang lista. Tako da smo mi tu informaciju dostavili zajedno sa Prijedlogom Odluke o imenovanju jednog člana. Ukoliko stvarno ima nekih pitanja, ja sam tu na raspologanju ali stvarno nastojali smo da odradimo onako kako je sve u skladu sa zakonom i mislim da bi bila jedna informacija ispred svih. Nas smo tri člana ove komisije bili i svi smo se složili ako imate nekih pitanja tu sam.

Predsjedavajuća Aida Bašić: Hvala. Rasprava je otvorena. Budite tu ukoliko bude pitanja svakako ćete odgovoriti. Gospodin Edin Osmić, izvolite.

Vijećnik Edin Osmić: Ja bih da sve pozdravim. Cijeneci navedeni izvještaj komisije za provedbu konkursa za provedbu konkursa za imenovanje jednog člana Općinske izborne komisije, Klub vijećnika SDA će podržati jedinog kandidata koji je ispunio uslove za navedenu poziciju. Obzirom da je drugi navedeni kandidat ne ispunjava uslove.

Predsjedavajuća Aida Bašić: Hvala gospodine Osmić. Ima li još diskutanata? Niko se više ne javlja za riječ. Zatvaram raspravu. Hoćete da zauzmete stav, eto pauza. Nastavljamo dalje, Klub SDP-a iznijet će poslije pauze svoje mišljenje. Tačka 3. Prijedlog Odluke o imenovanju jednog člana Općinske izborne komisije.

Vijećnica Svjetlana Zamboni: Evo nakon što je uvodničar iznio stav Komisije i naravno nakon što smo iščitali materijale, iznijet ću naš stav. Smatramo da Komisija nije pravilno utvrdila činjenice nakon provedene procedure te nije uzela u obzir činjenicu da je kandidatkinja koju su odbacili kao kandidatkinju za Općinsku izbornu komisiju, da je ona imenovana tek nakon provedene ove zapravo konkursne procedure. Zapravo uslov za imenovanje u članstvo Općinske odnosno Gradske izborne komisije propisane su poglavljem 2 Izbornog zakona Bosne i Hercegovine i Upustvom o utvrđivanju kvalifikacija broja imenovanju, obuci i razjrešenju članova Izborne komisije, osnovne izborne jedinice u Bosni i Hercegovini. Članom 4. stav (1) ovog Upustva propisano je da član Izborne komisije može biti predsjednik ili sudija redovnog suda, sekretar Općinskog vijeća, odnosno Skupštine općine/grada, odnosno Gradskog vijeća, lice

profesionalno zaposleno u Općinskim organima uprave i druga lica koja ispunjavaju uslove određene članom 2. tačka 2. Izbornog zakona Bosne i Hercegovine koji kaže da je član Izborne komisije lice sa odgovarajućom stručnom spremom i iskustvom u provedbi izbora i druga lica ako ispunjavaju uslove određene članom 2. tačka 2. Izbornog zakona Bosne i Hercegovine i nemaju smetnju sa članom 2.3 Izbornog zakona. Nadalje, stavom 2 istog člana Upustva propisano je da za člana Izborne komisije ne može biti imenovano lice obuhvaćeno članom 2.3. Izbornog zakona kao ni lice koje obavlja izvršnu funkciju kako je utvrđeno odredbama člana 1.8. na koji se vi i pozivate. U skladu sa svim ovim što sam navela ukoliko je pomoćnik Općinskog načelnika u službi Općinskog načelnika i Općinskog vijeća Maglaj imenovan nakon provedene procedure ima ravnopravan status općinskog službenika vršenje navedene dužnosti i članstvo u Općinskoj ili Gradskoj izbornoj komisiji nisu nespojivi. Ja vas molim da ne pogriješimo posebno uzimajući u obzir što Centralna izborna komisija daje konačnu saglasnost na naše prijedloge da ovo vratimo, uputimo komisiju da još jednom postavi pitanje Centralnoj izbornoj komisiji adekvatno znači da se objasni kako je pomoćnik načelnika došao na to mjesto, da je to bilo nakon provedene konkursne procedure i u tom slučaju to nije izvršna vlast.

Predsjedavajuća Aida Bašić: Svjetlana, prijedlog je znači da se materijal vrati komisiji na dopunu, odnosno da se dodatno informiše, odnosno traži mišljenje ili..?

Vijećnica Svjetlana Zamboni: ili da se gospođica Uma Isić tretira kao kvalificiran kandidat u skladu sa odredbama Izbornog zakona i u skladu sa Upustvom.

Predsjedavajuća Aida Bašić: Hvala lijepo. Ja bih zamolila da se očitujete po ovom što je Svjetlana ovdje iznijela i pročitala.

Jasminka Saračević: Ništa, mi smo znači postavili takvo pitanje Centralnoj izbornoj komisiji upravo ovako u ovom smislu kako je i gospođa Svjetlana rekla. Znači, mi smo postavili pitanje odnosno da nam oni daju svoje mišljenje šta se podrazumjeva pod licem koje je profesionalno zaposleno u organu uprave jer je to u koleraciji znači sa ovim što stoji u ovom članu 1.8. stav (6) rukovodeći, ko ne može znači da bude izabrana. Rukovodeći službenici koje je izabrao Načelnik.

Predsjedavajuća Aida Bašić: Da li je gospođu Umu imenovao Načelnik općine?

Jasminka Saračević: Imenovao je naravno Načelnik općine, Načelnik općine imenuje. Raspisan je konkurs, provedena je procedura a ako nije onda me opovrgnite, ako nema. Mislim mi možemo ponovo postaviti to pitanje ali ne možemo Centralnoj izbornoj komisiji jer su se oni jedanput oglasili nenadležnim, mislim da to ne bi imalo efekta. Nego ćemo mi postaviti pitanje znači onome ko je autor ovog zakona, to će biti Federalno ministarstvo, postaviti ćemo, tražiti ćemo mišljenje da se ova dilema riješi.

Predsjedavajuća Aida Bašić: Molim vas da saslušamo da znamo šta ćemo uraditi po ovom pitanju. Znači, šta Vi konkretno predlažete nama?

Jasminka Saračević: Evo upravo iz ovog razloga da ne bi bilo dilema, da ne bi bilo opet nekih ukoliko smatraju ostali članovi Općinskog vijeća da bi trebalo znači nije nikakav problem, ponovo ćemo napisati, obratit ćemo se onome ko je autor ovog zakona i tražiti ćemo mišljenje da nam oni pojasne jer stvarno ovo je neshvatljivo. U jednom članu nam kaže lica koja se profesionalno bave a u drugom da je izvršna vlast koja ne može da bude član Općinske izborne komisije. Mi smo stvarno dugo, možda ste i primjetili koliko je dugo trajala ta procedura. Čekali smo i to mišljenje i evo tražili smo i neke druge a mislim mi trebamo da imamo i nešto napismeno da se tačno zna da mi sada ne srljamo, da ne pišemo, pa smo i zbog toga prihvatili ovakav način jer je to bilo naše mišljenje. Rukovodeći službenik koji je izvršna vlast po ovom članu, ja ne mogu sada reći izvršna vlast, ima možda i drugih tumačenja i mišljenja ali ovo je po ovom Izbornom zakonu.

Predsjedavajuća Aida Bašić: Hvala Vam, možete li još malo sačekati, Svjetlana izvolite.

Vijećnica Svjetlana Zamboni: Dobro i Zakon o državnoj službi je pretrpio određene promjene to znate. Ovo na što se Vi pozivate je starije od ovih promjena koje su nastupile kasnije. Nema veze, ono što sigurno znam jeste da će kandidatkinja u slučaju drugačije Odluke svakako uputiti žalbu, tako da će ova procedura biti zasigurno poništena tako da ja opet ponavljam Centralna izborna komisija daje konačnu saglasnost na bilo koji prijedlog. Odbacili smo kandidatkinju koje ja kvalificirana da se prijavi a nju nije imenovao Načelnik, nego je prošla konkursnu proceduru,

Agencija je dale oglasila, bila je konkursna procedura nakon toga je postavljena na to mjesto, prema tome, ona nije izvršna vlast nego je prošla konkursnu proceduru.

Predsjedavajuća Aida Bašić: Hvala Svjetlana, gospodin Vehabović čini mi se javljao? Tražite pauzu, izvolite pauza. Evo nastavljamo dalje poslije pauze Vehabović se javio za riječ.

Vijećnik Elvir Vehabović: Još jednom vas pozdravljam. Pošto evo imam nekih nedoumica pa nismo dobili tačan odgovor od Centralne izborne komisije, imamo prijedlog komisije, ja sam za to da se glasa o prvobitnom prijedlogu komisije, pa ako tu ne bude nešto u skladu sa zakonom neka se žali, pa ćemo vidjeti da li će se nečija žalba uvažiti pa će se opet vratiti vama i to je to. Ja sam za to da se glasa o prvobitnom prijedlogu koji je došao u materijalu. To je to.

Predsjedavajuća Aida Bašić: Hvala gospodine Vehabović. Da li se još neko javlja za riječ. To je to, zatvaram raspravu. Imamo znači materijale odnosno Odluku o imenovanju jednog člana Općinske izborne komisije Maglaj i imamo jedan prijedlog koji je došao, Svjetlana, je li Vaš ili od Kluba SDP-a, od Kluba SDP-a. Obzirom i neko pravilo prvo ću staviti Odluku o imenovanju jednog člana Općinske izborne komisije Maglaj na glasanje. Znači, u toj Odluci se imenuje Emina Herceg na mjesto jednog člana Općinske izborne komisije. Potpuno je svejedno. Evo da ne komplikujemo, nije nikakav problem znači evo stavit ćemo prijedlog gospođe Zamboni odnosno Kluba SDP-a na glasanje, ko je za?

Glasalo za: Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Pero Mamić (HDZ BH), Mustafa Bešić (samostalni vijećnik).

Glasalo protiv: Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusr, Edin Osmić (SDA), Mirza Mešić (samostalni vijećnik), Aida Bašić (A-SDA).

Uzdržanih: Nema.

Konstatujem da prijedlog Kluba SDP-a nije dobio potrebnu većinu. Onda ćemo preći na glasanje povodom materijala koji smo dobili. Stavljam Odluku o imenovanju jednog člana Općinske izborne komisije na glasanje, ko je za donošenje ove Odluke?

Glasalo za: Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusr, Edin Osmić (SDA), Mirza Mešić (samostalni vijećnik), Aida Bašić (A-SDA).

Glasalo protiv: Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Pero Mamić (HDZ BH), Mustafa Bešić (samostalni vijećnik).

Uzdržanih: Nema.

Konstatujem da je Odluku o imenovanju jednog člana Općinske izborne komisije Maglaj u kojoj se Emina Herceg imenuje za jednog člana Općinske izborne komisije Maglaj dobio potrebnu većinu.

ZAKLJUČAK

4.1. Donosi se Odluka o imenovanju jednog člana Općinske izborne komisije Maglaj, kojim se na dužnost člana Općinske izborne komisije Maglaj imenuje Emina Herceg.

AD 4. Plan i program održavanja sistema javne rasvjete sa finansijskim pokazateljima za 2023. godinu

Predsjedavajuća Aida Bašić: Prelazimo na sljedeću tačku Plan i Program održavanja sistema javne rasvjete sa finansijskim pokazateljima za 2023. godinu. Otvaram raspravu i da li nam je potreban uvodničar? Jasmina ili Nedžad? Evo Nedžad.

Nedžad Čatić: Pozdravljam sve prisutne. Plan i program održavanja sistema javne rasvjete sa finansijskim pokazateljima za 2023. godinu, ukratko za 2023. godinu, za taj period koliko traje održavanje sistema javne rasvjete za ovaj period je planirano u Budžetu 40.000,00 KM. U samom ovom planu je navedeno koji radovi spadaju u taj sistem održavanja javne rasvjete i na koji način se vrši prijava kvarova. Ko može vršiti, maltene svako može vršiti, mjesne zajednice. Mještani koji prijavljuju te kvarove u službu, gdje se faktički šalje izvođač radova koji obavlja, održava tu javnu rasvjetu. Odabir samog izvođača se vrši po Zakonu o javnim nabavkama, tako da je već faktički u ovom periodu treba da se raspiše natječaj za odabir za narednu godinu jer je sada već istekao prije dva dana ugovor za prošlu godinu. Ima ovdje prikazane tabele za sve radove koji su predviđeni da se rade kroz taj Plan održavanja sistema javne rasvjete gdje su količine navedene na osnovu analize i održavanja iz prethodne godine i na osnovu ukupne vrijednosti koja je predviđena tako jer se mora premjeriti radovi približno 40.000,00 KM. Ponuđači koji budu se prijavili na natječaj ne mogu dati skuplju, ustvari ponudu koja je veća od procjenjene vrijednosti. Toliko.

Predsjedavajuća Aida Bašić: Nedžade, samo pitanje, da li se Plan usvaja ili ne?

Nedžad Čatić: Usvaja se Plan.

Predsjedavajuća Aida Bašić: Da li ga donosi Vijeće ili Načelnik?

Nedžad Čatić: Pa Vijeće, čim je na Vijeću, Vijeće ga i donosi. Do sada je tako bilo, iako ti Planovi inače nisu u nekom periodu ni donošeni.

Predsjedavajuća Aida Bašić: Dobro, hvala. Izvolite načelniče.

Mirsad Mahmutagić, Općinski načelnik: Zvali Informacija ili Plan sasvim je svejedno u ovom trenutku kad je to u pitanju. Ovdje se radi o sljedećoj situaciji, 2016. godine kada sam došao na poziciju Načelnika, nije bilo nikakvih planova ni održavanja, ni investicija. Svi znamo u kakvom je stanju bila rasvjeta ali ostavimo to po strani. 2017. godine smo počeli raditi sa međunarodnim organizacijama, prvenstveno je bila prva faza samo sa UNDP-om gdje su išla značajnija sredstva za ulaganje u rekonstrukciju rasvjete, uvođenje led rasvjete itd. Ja sam tada pokrenuo i dao Vijeću i Plan izgradnje javne rasvjete itd. onako kako je išlo. U međuvremenu smo završili dosta toga, rekonstruisali smo. Ima naravno još uvijek dijelova općine gdje treba uraditi javnu rasvjetu i radimo onoliko koliko smo u mogućnosti kada je u pitanju održavanje to je sasvim druga priča. Rekonstruisali smo rasvjetu, taj Plan je ostao, nije niko vodio računa, nisam ni ja vodio računa, to je na neki način bilo prepušteno meni. Uopće nisam vodio računa to je trebalo izbaciti uopće iz Plana rada Vijeća, zato što postoji Plan kapitalnih investicija i u njemu se nalazi i dio koji se odnosi na rasvjetu. Ovo je apsolutno suvišno i zato nije do sada došlo ni na sjednicu Općinskog vijeća. Vi ste tražili da dođe kao informacija i došlo je. Dakle, nalazi se u Planu kapitalnih investicija i za prošlu godinu i za ovu a bit će i za iduću godinu.

Predsjedavajuća Aida Bašić: Hvala načelniče. Da li se još neko javlja za diskusiju? Gospodin Bešić, izvolite.

Vijećnik Mustafa Bešić: Evo što se tiče ove tačke, ja sam izašao samo da pohvalim firmu i izvođače i službu i Načelnika. Što se tiče održavanja javne rasvjete na općini Maglaj, pogotovo u mojoj mjesnoj zajednici, gore sam i predsjednik mjesne zajednice i ono što se gore desilo što prijavimo u kratkom roku, u mogućnosti firme koja održava, dođe se i popravi. Mi smo imali u posljednje vrijeme od udara groma da nam je stradalo u komadu jedno 10 komada od vjetra gdje je stablo spalo na mrežu. U maksimalno kratkom roku dođe firma, popravi to i sanira. Sijalice koje god crknu zamijene se i održavaju. Nemam šta reći, želim samo da općina proširi na sve mjesne zajednice i sela da se pokrije javna rasvjeta. Želim da napomenem službi, zahvaljujem se Jasmini, tu je koja je stvarno osoba kad god ste se obratili kao predsjednik mjesne zajednice uvijek nam je izašla u susret i radila je s nama. Ako ne može firma da dođe onda nam ona da sijalicu pa se mi snalazimo u mjesnoj zajednici, na ljestvama promijenimo da ne čekamo. Izlazimo u susret i mi Općini da se ne plaćaju troškovi veliki jer je izlazak jednog kamiona sa onom korpom je vjerovatno puno skuplje nego sijalica. Toliko. Isto želim da napomenem ovo održavanje javne rasvjete sve finansira Općina Maglaj, niko ne plaća koliko ja znam. Toliko i hvala.

Predsjedavajuća Aida Bašić: Hvala gospodine Bešić. Izvolite.

Vijećnik Samir Fetić: Da vas prvo pozdravim i poselamim i ja se zahvaljujem Načelniku i Jasmini na dosadašnjoj suradnji. Pogledajte vi samo Misuriće, 30 godina dva projekta rasvjete, crni vilajet. Sad kad pogledate Misuriće, pet projekata rasvjete mi smo uradili. Mi smo stvarno osvjeteljeni, prije je to bilo strašno. Sad smo uradili od led rasvjete, održavamo i još imamo Poljice da uradimo i ja mislim da je mjesna zajednica pokrivena što se tiče rasvjete. Još se jednom zahvaljujem Općini, Načelniku, Jasmini na suradnji.

Predsjedavajuća Aida Bašić: Hvala Samire. Da li se još neko javlja za riječ. Izvolite gospodine Jašić.

Vijećnik Safet Jašić: Selamim i pozdravljam sve prisutne i ne slažem se sa konstatacijom gospodina Načelnika da prije njega nije bilo nikakvih planova, ispade da to kako je Načelnik došao sve procvjetalo. Rasvjeta u MZ Kopice urađena je 2003. godine i mislim da je održavanje bar u ruralnim mjestima izuzetno loše. Ispred Kluba ono što ću reći jeste da ne odustajemo od onog što smo pripremili na Klubu jeste. Na prvom mjestu iluzorno je razmatrati Plan i program održavanja javne rasvjete za 2023. godinu a već smo u mjesecu oktobru. Navedeni akt je trebao davno da bude spreman za Vijeće i da o njemu raspravljamo i ukažemo na sve nedostatke mnogo ranije. Također na kraju Plana u potpisu stoji ime i prezime dopredsjedavajuće. Predsjedavajuća, odnosno dopredsjedavajuća može potpisati Odluku o prihvatanju ili odbijanju navedenog Plana i programa. U ovom slučaju potpisan Plan mora biti od predstavnika predlagača. Obzirom da isti kasni ovoliko iskoristit ćemo priliku da postavimo pitanje o realizaciji postavljenih ciljeva unutar ovog dokumenta. Cilj redovno održavanje ispravnosti postojećih svjetiljki, šta po vašem viđenju predstavlja redovno održavanje ispravnosti svjetiljki. Da li ste svjesni da građani za sanaciju javne rasvjete čekaju po 2 i više mjeseci. Sva bespravno izgrađena i napojena rasvjetna tijela. Koliko ste do sada imali takvih slučajeva u toku 2023. godine, rasvjetna tijela bespravno mogu biti postavljena samo u režiji onoga ko ovo i finansira i nikoga drugog. Evo imali ste nekoliko pitanja tražimo odgovore i zaključno što se tiče Kluba SDA je održavanje izuzetno loše. Imamo mi dobru, odličnu saradnju sa službom to sve stoji i ja ne mislim da je to do njih, uglavnom evo imamo primjer u mojoj mjesnoj zajednici evo već ima više od 2,5 mjeseca gdje cijela jedna linija ne radi. Na vrijeme javimo onako kako smo dogovarali i kako stoji ovdje u ovom dokumentu. Uglavnom nije dobro održavanje, ove mjesne zajednice koje su ranije uradile rasvjetu nije naravno led i postavljene su one sijalice koje su u onom vremenu bile trend. Ni jedno staklo na sijalici nije nikad postavljeno iono što malo se otkači oni ga puste dole bace ga na zemlju tako da sijalice gore onako samo.

Predsjedavajuća Aida Bašić: Hvala gospodine Jašić, Načelniče javili ste se izvolite.

Mirsad Mahmutagić, Općinski načelnik: Kad je nešto napisano na papir pa se mora sve pročitati na prvu primjedbu sam ja već dao odgovor. Dakle ovo je sasvim suvišno danas da bude na Vijeću, vi ste tražili, eto na Vijeću je. Imate Plan kapitalnih investicija gdje se nalazi odjeljak za rasvjetu, dakle mi smo usvojili i postupamo po tome i ovo apsolutno danas je bespotrebno ali eto tako je kako je. Druga stvar Jašiću na Vaše pitanje ste dali i odgovor. Kažete da ste dali 2003. godine u mjesnoj zajednici nije bilo plana u Općini gdje će se kad, kako, ja bio vijećnik Vi bili vijećnik. Nikad nismo imali plan na Vijeću, to je završena priča, možete replicirati koliko hoćete ali od 2004. godine sjedimo zajedno u ovim klupama, nikad nije bio Plan na Općinskom, vijeću do 2017. godine i onda kad je došao Plan kapitalnih investicija nema nikakve potrebe. Da li može Općina raditi bespravno, kako će raditi bespravno Općina radi po projektnoj dokumentaciji uz dozvolu o odobrenju, uz upotrebnu dozvolu. Ne možete dobiti priključak bez upotrebne dozvole. Upotrebna dozvola se dobija kada komisija provjeri da je sve urađeno u skladu sa odobrenjem za građenjem sa projektnom dokumentacijom. Sve ostalo možete pričati, kritikovati kako god hoćete, zna se rasvjetni broj tijela koji je bio 2016. godine, zna se koliko je bilo nesipravnih, zna se da ima 5x više i da smo jedan od gradova ako ne onaj koji je pokrio najviše teritorije sa rasvjetom i skoro potpuno led rasvjetom, negdje jeste to sijalica led, negdje svjetiljka. Tamo gdje su bile nekad bolje svjetiljke sa sijalicama ostale su led sijalice tamo gdje otpada mijena se sa svjetiljkama. Ko više može naći negdje staklo da zamijeni, to je toliko deplasirana konstatacija. Evo dole imate gospođu Krzić, izvolite recite, objasnite ovdje pošto ste zaduženi za taj dio je li 2,5 mjeseca negdje ne radi

rasvjeta. Ako je to tačno ja vas ovdje javno kritikujem, nemojte to više sebi da dozvolite ni sebi ni meni.

Predsjedavajuća Aida Bašić: Hvala Načelnice, Jašić se javio za repliku. Samire izvolite, ja se izvinjavam, nije namjerno.

Vijećnik Samir Fetić (replika): Ja moram repliku reći, nije tačno da se bespravno radilo. Gledajte vi samo ja sam malo kroz narod kako sam predsjednik mjesne zajednice pa sam prošao, čak se plaćalo od naroda se uzimalo i za projekat. Ja niti jednog trenutka ni marke nisam uzeo za projekat, ja nadem novce, ja napravim projekat, ja ga prema Općini ili prema Kantonu uputim zajedno sa svojim kolegama u mjesnoj zajednici. Vi znate da smo mi najbolja mjesna zajednica što se tiče organizacije, da jedini sastanke imamo u mjesnoj zajednici. To ako ste mislili da smo mi proširili rasvjetu ne, nego nije se uradilo ko neki nisu dali pare. Ja sam to onda pogledao u tim projektima i onda raširio to nekim ulicama, nekim sokacima u kojima su ljudi bili zapostavljeni. Hvala vam.

Predsjedavajuća Aida Bašić: Hvala Vam. Gospodine Jašić izvolite.

Vijećnik Safet Jašić (replika): Ja hoću ponovo da repliciram Načelniku, nije tačno da nije bilo planova i odjednom sve dobro kako je Načelnik došao a milion problema i evo vidimo trenutno situaciju kakva je u svakoj oblasti kad je u pitanju općina. Bespravna gradnja ništa nije bespravno bar po mjesnim zajednicama se rijetko kad radi, izuzev kad idu populističke sijalice, kad se stavljaju pred izbore itd. Mi to nismo u mogućnosti niti jedna mjesna zajednica raditi. Te sijalice te bandere ti kablovi svi vise i stalno ja dosađujem službi da se idu dizati, pa jednom podignu pa naplate ljudi, pa drugi puta itd. Ne može se po živom drvetu razvalčiti kabal iz rasvjete, nije ga predsjednik mjesne zajednice stavio jel to negdje u planu? Ima projekat mjesna zajednica ima projekat rasvjete, ima koliko može da prikopča sijalica itd, to se ne poštuje baš od strane Općine Maglaj.

Predsjedavajuća Aida Bašić: Hvala gospodine Jašić.

Mirsad Mahmutagić, Općinski načelnik (replika): Kad je električna energija u pitanju moram se javiti. Bit ću malo i nekorektan ali ovo su čiste nebuloze mislim. To su nebuloze koje ja slušam gore od dijela SDA Čobe, Kopice. Čobe nisu imali ni jedne svjetiljke, tvrdio predsjednik mjesne zajednice da ne može trafo podnijeti, ne može trafo podnijeti pola kilovata a pola kilovata odnosno 500 podijelite sa 30 pa vidite koliko je to svjetiljki, može itekako. Pogotovo može u noćnim satima kad građani ne troše, niti koriste bojlere oni koji drže uključene 24 h, niti peku na električnim pećima itd. i ni jedne svjetiljke nije bilo. Ista priča u Kopicama, ugrađen dio svjetiljki došao ja na vlast, digla se klika nemoj ništa graditi samo da možemo pljuvati po tebi. Dobili ste brate ono šro radi Općina radi po projektu, širimo gdje god možemo i širit ćemo koliko možemo. Ne zaboravite da imamo 5 ili 6 puta više rasvjetnih tijela nego što smo imali početkom 2017. godine, da još uvijek troškove držimo Jasmina je li tu negdje u granici ili nešto iznad troškova koji su bili 2016. godine sa trećinom neispravne rasvjete. To je naš rezultat. Da smo 5-6 puta povećali broj svjetiljki, da smo zadržali troškove u markama za potrošnju električne energije pa ovaj ovdje samo prvi dio, prva ta trećina ove ulice koja je urađena do stadiona ako treba vijećnicima molim vas nađite Jasmina račun od 950 i nešto maraka ako se dobro ne varam za jedan mjesec. To je kako je neko nekad radio. Danas imate čitavu tu ulicu koliko je urađeno gore do kružnog toga je li znate Jasmina koliki je račun mjesečni za to ali nebitno. Puno manje nego što je bio samo ovaj dio tu do stadiona, sve je to urađeno plansko. Otiđite pogledajte i po drugim mjesnim zajednicama, nemojte da pominjemo Kosovu gdje se kad idete od Doboja vidjela samo munara. U Moševcu je nešto bilo svjetiljki itd. Ako hoćete da dobijete Izvještaj gdje je koliko urađeno pa se onda crvenite kad pogledate i šta ovdje pričate.

Predsjedavajuća Aida Bašić: Hvala načelnice. Smailović, izvolite.

Vijećnik Almin Smailović: Ja bih pozdravio sve prisutne, obzirom da dugo nisam izlazio za govornicu naslušao sam se svega i svačega, bolje nekad i sjediti i prešutiti. Obzirom da ovaj put spomenuta je moja susjedna mjesna zajednica, nije spomenuta nego je rečeno da je prije bilo te neke rasvjete. 2016. godine novog Načelnika dočekali su neki bomabstični projekti gdje su sakupljane pare za rasvjetu, gdje je 76 sijalica trebalo koštati preko 100.000 maraka, gdje se od građana trebalo sakupiti 50.000 maraka i to je bilo stanje kada je došao i onda smo išli lagano malo

po malo i ugradili smo trenutno u moju mjesnu zajednicu, MZ Čobe 120 sijalica led rasvjete. Mi smo osvijetlili kompletno naše naseljeno mjesto koje je jako veliko geografski. S tim moram reći da je puna podrška bila Načelnika a i mještani su u određenoj mjeri dali podršku. Ovdje moram zaista da kažem javno da više od 10 pa čak i 15 godina vlast SDA sa raznih niova od kantona preko Općine u Čobe nije uložila ni jednu marku. Sad vi hoćete meni da kažete da ja trebam da se vratim u mračno doba SDA ponovo u Čobe, da oni opet ulažu nula maraka. Ljudi vide šta je uloženo, šta je urađeno u mandatima Mirsada Mahumtagića i dovoljno ljudi vide, dovoljno ljudi rasuđuju da mogu procijeniti određene stvari. ovdje kad izađete pa kažete rasulo je ovdje, rasulo ovako onako, ovdje ništa ne funkcioniše. Ja to zaista, otidete na teren, pogledate malo šta je urađeno, šta nije. Mi smo imali nažalost ljude koji su se ugrađivali u neke stvari. kad nema tih stvari ugradnje, onda se može i uraditi puno više. Sad po tom projektu 120 sijalica pa izašlo bi do jedno 150-200 hiljada maraka po tim proračunima bivšeg predsjednika MZ Čobe. Tako da malo razgledamo, malo pogledamo i onda rasudimo neke stvari. Hvala.

Predsjedavajuća Aida Bašić: Hvala Smailoviću. Delić izvolite.

Vijećnik Fikret Delić: Poštovana predsjedavajuća, dopredsjedavajuća, kolege vijećnici, ja vas sve selamim i pozdravljam. Pošto se radi o mojoj mjesnoj zajednici, najviše spomenuta u ovoj tački Dnevnog reda ja ću samo dati kratak odgovor za mojih 6-7 godina mandata u Kopicama smo uspjeli sa Načelnikom i inicijativama uraditi pet ulica bez pfeninga, ni jedan mještani nije dao marku. 155 sijalica, kablovi vise, to nije tačno ali zato smo prije ovog Načelnika u Kopicama imali po dvije sijalice na jednoj banderi, jedna je u grahu, žitu. Provjerite, dođite u mjesnu zajednicu da vidite da to ima. U Kopicama je urađeno oko 155 sijalica bez i jednog pfeninga učešća mještana. Koliko je asfalta urađeno ni jedan mještani nije dao marke. Prije je bilo uzimanje para od mještana ali ja vas molim Načelnice ako se može, da ne podnosim inicijativu imamo još i Jezersko brdo 5-6 sijalica od ukupno 80 koje smo ugradili sve na inicijativu mještana a da smo čekali mjesnu zajednicu, čekali neke projekte ne bi ovi mještani nikad dobili tu rasvjetu. Znaju možda mnogo vijećnici ovdje zadnje kuće Bugari se zovu gore, zadnja kuća gori sijalica 1400 m kabla je otišlo. Ne visi nigdje kablo. Jasmina je betonske bandere postavila, zahvaljujem se i dajte da završimo ovo što imamo završiti i gotovo. Imamo 5 sijalica Načelnice, daj da završimo to u Kopicama. Nemoj ja to ne volim tako, nisam niko obećao ali bih volio mještanima da to završimo a dosadašnji rad pohvaljujem sve najbolje Jasminu, Načelnika, Službu sve. Hvala lijepo.

Predsjedavajuća Aida Bašić: Hvala gospodine Delić. Replika Jašić.

Vijećnik Safet Jašić: Evo vidite ovo što je izneseno, ima ovdje istine, samo ko ste Vi gospodine da Vi dirigujete koji projekat. Nikad niste dobili u ruke niti znate kakav izgleda projekat. To i jeste to, mi smo se borili protiv paralelizama dugo vremena a vi nam uvodite paralelizme. Nisam slučajno rekao da su te populističke, neki vanzemaljski projekti. Sve ja se slažem daj da poštujemo institucije, ja ću uvijek poštovati instituciju samo neka poštuju jednako i mene. Nikakave grupe građana, to su izmišljotine bolan. Prva stepenica svega ovoga je mjesna zajednica i ja poštujem Opštinu svim srcem i dušom ali ima i da se poštuje legalno provedeni izbori u MZ Kopicama. Sav je tu problem, zato i dolazi do ovih problema. Bandere nakrenute ovako onako, ljudi zovu, eno padaju, ubit će dijete struja itd a ja nisam stavio te bandere ni te kablove, niti sijalice i ja opet nazovem Jasminu, hajdi bogati gore. I tako rješavamo te stvari, nemojte tako se igrati, neka neko ode bar neka pregleda šta je to urađeno, da li je to urađeno u skladu sa projektom ili s iolem nekim projektom. Vjerujte mi zadnji kablovi, ja mislim da i sada stoji ondje vezani za živa drva. Drvo koje raste svezan kablo od javne rasvjete, to je bruka a nije mjesna zajednica radila. Šta bi trebao čovjek da sada uradi u tom momentu da zove policiju kad neko radi nešto ili evo budite pametni vi pa recite. To je sve razlog za ove replike sve ovo. Ne poštuju se između sebe i to je problem sav u svemu tome. Kad nadzori mjesna zajednica bilo čemu mi smo tu stalno, mi i pregledamo nismo možda dovoljno stručni ali uglavnom ne bi dozvolili sigurni budite da se radi na ovaj način. Imamo imenovan građevinski odbor koji se bavi tim stvarima u okviru mjesne zajednice, međutim stalno smo zaobilazeni i imamo pravo na ovo što pričamo.

Predsjedavajuća Aida Bašić: Hvala gospodine Jašić. Begić, pa Vehabović.

Vijećnik Jasmin Begić: Nisam se mislio po ovoj tački javiti ali postaje interesantno tako da ne bi bilo zgoreg se uključiti. Ovako ako nije trebao ovaj Plan doći na Vijeće, nema razloga stvarno da u 10-tom mjesecu mi usvajamo neki plan koji je za ovu godinu. To su samo šale neke. Druga stvar što me interesuje i nisam dobro čuo i tražim odgovor od službe da je tek sad raspisan javni poziv za uličnu rasvjetu. Znači, šta je rađeno do sada i svi vidimo u kakvom nam je stanju ulična rasvjeta. Druga stvar ovo je prvi put ja mislim od kako sam vijećnik da se moram složiti sa Načelnikom a to je da je urađena ulična rasvjeta za njegovog mandata ali isto tako znamo koja je firma radila. Radila je firma koja je u porodičnom vlasništvu porodice Zamboni i znamo kako se te sijalice mijenjale i sve jako dobro znamo. To nije sigurno radila i na takav način SDA i neće tako da radi. Također bih htio napomenuti ko ne zna kakav je ulična rasvjeta evo sačekat ćemo ovdje, bit ćemo ovdje još jedan sat i pogledat ćemo u naš most na kojem radi 5 sijalica i to radi 6 mjeseci. Jedno 15 sijalica nema uopšte, da ne govorimo o drugim kvartovima gdje će građani sami prosuditi gdje nema ulične rasvjete kad budu slušali ovu sjednicu a zašto pitamo se, jasno ko dan nema više te firme koja bi trebala to da radi nego se sada radi po zakonu. Predlažem da se ovi Plan i program usvaja u januaru mjesecu kad treba da krenu svi projekti i da se redovno održava ulična rasvjeta, bez obzira ko je održavao i na koji način. Građani zaslužuju ovog grada da imaju uličnu rasvjetu koju sigurno plaćaju kroz svoje poreze. Toliko.

Predsjedavajuća Aida Bašić: Hvala gospodine Begić, izvolite replika.

Mirsad Mahumatgić, Općinski načelnik (replika): Možda će se Begić složiti sa mnom ja neću s njim. Zaboravio je i most i asfalt, svašta nešto je pozaboravljao al nema veze. Govorimo o svemu, rekli ste da ne ide ništa. Ovako 5,8,10 put vam ponavljam ovo nije trebalo biti na Vijeću, ja ovo ne bih nikad poslao na Vijeće zato što ima u Planu kapitalnih investicija. Ostalo u Programu, vi ste tražili evo mogao sam to i zaustaviti. Zapravo čini mi se da nisam ja ni potpisao, da je došlo do greške ali nema veze, nesporno je ko je potpisao. Kad smo otvorili raspravu, hajde da pričamo argumentima. Ovdje se sada počinju prozivati porodice, vrlo bezobrazno Begiću, prvo ste meni došli plakali kad sam postao Načelnik da niste nikad dobili posao u javnim institucijama dobijali ste poslove, zato što od početka radimo pošteno. Druga stvar pominjete firmu koja čini mi se više ne postoji, EL-PROM Zamboni koju sam ja zatekao da radi sa Općinom i radila je godinama jer je jedina u Maglaju bila opremljena da radi uličnu rasvjetu zato što je imala vozila itd. Firma EL-ING je radila određenu izgradnju ali nikad ni u moje vrijeme ni prije čini mi se da se nisu javljali za redovno održavanje i to su vam činjenice. Firma EL-PROM je postojala i izgubila tender javne rasvjete i pošla raditi firma iz Živinica i radi već čini mi se 4 godine i vrlo korektno radi, čak sponzorišu i naše sportistke klubove, Studentsko ljeto i hvala im i nemam tu nikakav ja problem ako niko ne radi iz Magalaj radit će neko iz druge firme. Da bogdom ima neko iz Maglaja ali evo nema. Pričate laži rasvjeta na mostu prvo znate kakva je bila, drugo znate kako smo napravili, treće prije izvjesnog vremena je udario grom, spržio je sve svjetiljke. Te svjetiljke su skinute, nalaze se na reparaciji kod proizvođača i bit će vraćene. U međuvremenu da ne bi bio totalni mrak na mostu, je firma koja vrši održavanje stavila od sebe na svaki drugi stup ili treći, svoje svjetiljke da imamo minimum osvjetljenja na mostu dok ne dođu svjetiljke sa reparacije. Kad dođu sa reparacije mi ćemo ih vratiti tamo, bit će most osvijetljen kao što je bio i prije i evo vama za informaciju bit će još rekonstrukcije na mostu pa će to izgledati puno ljepše nego što jeste. Jel vam sada smeta što je 5 ili 6 što je neko od sebe stavio na svaki drugi stub, mogao je biti bez ikakvog osjećaja pa ne staviti niti jednu nego reći kad dođe sa reparacije ja ću vam vratiti a mi dok provedemo tendersku proceduru da nabavimo nove koje su skuplje nema potrebe i puno duže traje nego reparacija. Treća stvar šta je problem godišnji ugovor ili išao u oktobru ili januaru. Raspiše se tender, ugovor traje kad bude pri kraju raspisuje se drugi. Pomjerilo se ne potpisujemo od 1.1. do 31.12 potpisujemo na određeni period i nije to jedini ugovor. Imate vi ugovora još koji se potpisuju u junu, oktobru, martu. Iznose se nebuloze a evo ja sam izuzetno ponosan svim što sam uradio i zato sam ponosan posebno rasvjetom koju sam uradio u Maglaju. Možete dalje izlaziti i pričati kakve hoćete nebuloze meni se više ne izlazi, hvala vam.

Predsjedavajuća Aida Bašić: Hvala načelniče. Begić izvolite.

Vijećnik Jasmin Begić (replika): To su oni stavili uslov kad su ovi imali korpu. Replika samo da repliciram gospodinu Načelniku, gospodin Begić nije nikad nikome plakao, gospodin Begić nikad nije tražio posao od javnih ustanova, gospodin Begić zna da javne ustanove funkcionišu na osnovu javnih poziva, gospodin Begić ima firmu 20 godina i nikad nikom nije zaplakao. Čisto dostojanstveno. Za razliku od načelnika koji je plakao, molio i kumio da ostanu neki direktori da dobije većinu u Zenici, da dobije većinu ali to je druga priča, to nas ne interesuje.

Predsjedavajuća Aida Bašić: Begiću, molim Vas držite se tačke Dnevnog reda.

Vijećnik Jasmin Begić (replika): Da zaključimo o uličnoj rasvjeti će građani na društvenim mrežama najvjerovatnije reći svoje mišljenje. O tome će reći građani kako je radila ova vlast i to će građani reći. Rekli su ustvari, građani su rekli i zato imamo drugog posla. Građani će najvjerovatnije na referendumu reći o radu Načelnika, za to ću se zalagati istinski ko i zalaganje za smjenu predsjedavajuće. Grad Maglaj mora i zaslužuje bolje od ovih ljudi. Pogledajte samo vijećnike ove svi su oni na Budžetu, oni ili njihove familije a u SDA niko nije.

Predsjedavajuća Aida Bašić: Hvala Begiću, gospodin Vehabović.

Vijećnik Elvir Vehabović (replika): Meni je drago što sam ovdje čuo par činjenica. Fikret Delić mi je otvorio malo oči kad reče kad u Kopicama nikad nisu dali marke ni za asfalt ni za rasvjetu. Bogami u Moševcu se svaki put davalo ne marka nego malo više za svaki komad asfalta i za svaku sijalicu. Tako sam čuo isto i u Kosovi. Ko pravi razliku između mještana Moševca i mještana Kopica pa jednim daju bez učešća a od drugih ultimativno traži da se skupe pare pa će Općina dati marku na marku. Fikrete, ti si to rekao, ne odlučuješ ti ali vidimo ovdje neke istine. Jel to Moševac drugorazredna ekipa? Kosova je malo dalje, može se priključiti Tešnju pa možda dobije džaba. Pitali su mene svojevremeno dok sam bio direktor što ti Begić radi u Domu zdravlja, što ga ne izbaciš, on je SDA. Zato što čovjek ponudi najbolju cijenu.

Predsjedavajuća Aida Bašić: Hvala doktore. Jašić.

Vijećnik Safet Jašić (replika): Znači ovo što je gospodin Vehabović pomenuo za mog komšiju gore dotičnog je čista laž, Kopicice su se nadavale para to je strahota jedna. Građani Kopica to je jedna stvar, druga stvar Načelnik je pomenuo rasvjetu od mosta do benzinske pumpe što je ranije urađeno i ono sve kako je urađeno. Pa ono i jeste SDA, mi ne krijemo to i jeste SDA, ono gore na drvenim banderama do kružnog toga je njegova partija. Eto mi se slažemo da je to tako. Ako ovo ne valja onda je bolje ono sa onim drvenim banderama gdje nema ništa, zarasla trava. Jedno još pitanje samo, za vrijeme mandatarenje znači 7 godina ako je jedan posao u našoj i mojoj mjesnoj zajednici napravljen po projektu, da su ga napravili i kazali idemo po ovom projektu da radimo ja im kapu skidam. To je preavizeđno, to neka rade negdje na drugom mjestu. Naša mjesna zajednica je skoro pa urbana i ja imam 3-4 projekta koja stoje. Urađeni projekti, treba malo uložiti, ništa drugo ali eto lakše je uraditi bez projekta kako god ispadne važno je pokupiti malo tih poena i to je to.

Predsjedavajuća Aida Bašić: Hvala Jašiću. Bešić, Delić, Arif.

Vijećnik Mustafa Bešić: Evo ja sam malo zapisao pa kolegi Saji Jašiću hoću samo da napravim uporedbu, Safet Jašić je ovdje za govornicom izašao i kazao da su Kopicice dobile 2003. godine rasvjetu. Evo meni sad izbaci da je Domislica dobila 2018. godine, bravo, bravo. 15 godina znači trebalo je da dođe neko da se napravi u Domislici, ne znam zašto se pravila razlika, zašto nije i Domislica dobila i Čobe i ostali. Ja samo pitam, imam pravo da pitam. 2018. godine Domislica je dobila javnu rasvjetu uz svu potrebnu dokumentaciju. Gdje je i Eldis Kusur učestvovao kad smo tražili saglasnost od Islamske zajednice pošto nismo mogli uraditi bandere. Kad bi mi sada pitali ovi su tamo ovi ovamo. Kako je vakat kome bilo dobijao je rasvjetu i oni ljudi podržavaju one ljude normalno ko im je valjao. Mene ne može niko ubijediti i dođite u Domislicu da vidite koliko smo uradili i koliko je dobila. Da ja sada pričam protiv ovoga Načelnika i protiv ovih ljudi. Znači uz dužno poštovanje svi prethodni ljudi što su donijeli a za ovo vremena Domislica je toliko toga dobila i vidi se napredak veliki. Kad dođete u Domislicu, to je ulaz gdje gori sijalica. Ja se zahvaljujem Načelniku, svim službama, ljudima koji su nam pomogli na sve moguće projekte koje smo dobili. Toliko i hvala.

Predsjedavajuća Aida Bašić: Hvala Bešiću. Fikret izvolite.

Vijećnik Fikret Delić: Kolega Vehabović reče u Kopicama da nisu davali. Davali su mještani i MZ Kopicice pare prije 7,8,10 godina. Ja ovaj sam dao od svoje kuće po 300 maraka svaka kuća je trebala dati i dali smo. Tada je tako bilo ali za ovih 7 godina 100 metara asfalta se uradi, ali niko nije dao marke. To hoću reći, ovi a prije kako je rađeno, šta je rađeno ko je uzimao pare, kome su pare išle dadnu iz ruke u ruku i tako je to bilo. Hvala.

Predsjedavajuća Aida Bašić: Arif, pa Firuz.

Vijećnik Arif Mujkanović: Izvinite, možda će biti malo zbrda zdola, malo ću replicirati Safetu. Malo ću se osvrnuti, dragi Safete, hajdi ići ćemo malo obrnutim redoslijedom. Pa zar je trebalo sada gore da stavlja ove stubove, to nije zdravorazumsko od tebe. Treba da se pravi gore ovaj nastavak ulice, možda bi bilo pitanje vaše pravilno da se postavi zašto nije kantonalna vlada napravila ulicu pa da se postavi odgovarajuća rasvjeta. Sad treba da se stavi osim drvenih stubova, hvala Bogu pa ima. To je privremeno. Samo budala bi mogla, onda bih ja rekao Načelnice prijatelju moj pa ti nisi normalan šta to radiš. To samo bi budala mogla uraditi. Drugo, Fikrete drago mi je i sad opet Safete hvala što si rekao da ste učestvovali. Sujete u nekim ljudima ne možeš ubiti. Bez obzira šta mu bilo zvanje ili znanje. Ne možeš ubiti u nekim ljudima sujetu. Što nije dobivao poslove, pa možda su se nekad poslovi određivali u pola 8 kad se trčalo na raport u Retro. Možda je tu bilo nekad razgovora. Sljedeća stvar, zamolit ću samo hvala što si rekao istinu, znači davali ste i treba da dajete nažalost nekim ljudima ne možeš to dokazati. Imam još za pojedine mjesne zajednice malo sam nabacio kolegi ispričat ću i to kad bude prilika. Neki ljudi pitat ću da li su ispoštivali prema izvođačima radova i prema amidži kojeg su lično prevarili pa neka se očituje na to. Hvala lijepo. Jasmina Vama čestitam na radu.

Predsjedavajuća Aida Bašić: Hvala, Firuz izvolite.

Vijećnik Firuz Galijašević: Tačka Dnevnog reda Plan i program. Šta ćete vi pričati na sljedećoj tački Dnevnog reda koja je Izvještaj o održavanju i sanaciji javne rasvjete. Pričali ste o nečemu što nije imalo potrebe, vjerujte. Niko nije dao niti jedan prijedlog, ni jedan prijedlog niste dali a ovo ste sve trebali ostaviti za sljedeću tačku Dnevnog reda. Hvala.

Predsjedavajuća Aida Bašić: Hvala Firuze, gospodin Šehić se javio.

Vijećnik Senad Šehić: Bila je ovo sjajna situacija da analiziramo stanje sa javnom rasvjetom na području općine Maglaj. Ja sam ostavio jednu situaciju, jedan primjer kao šlagvort za kraj, koji najbolje oslikava. Ima jedan zaseok ili naselje kako god ga želite nazvati u MZ Liješnica, koji je dao dva načelnika dakle prije ovog načelnika. Taj zaseok je u mraku nekih 30 godina na kraju je dočekao da dođe načelnik s Bijele Ploče i riješi problem u tom zaseoku. Neka me isprave iz nadležne službe. Zaseok za koji ja mislim da ovdje većina i ne zna da tamo neki ljudi žive, koji se osvjetljava od Natrona sve te godine. Inače, sve te godine zaseok je zapušten ali evo zahvaljujući ovom Načelniku i ovoj vlasti barem je privremeno riješen taj problem sa tom rasvjetom. To je ilustrativno najbolji primjer. Hvala vam.

Predsjedavajuća Aida Bašić: Hvala Senade. Abdurahamnović, izvolite.

Vijećnik Adis Abdurahamanović: Selamim i pozdravljam sve prisutne pošto prvi put izlazim. Nisam imao namjeru a naslušali smo se svega. Kolega Galijašević je napomenuo ni od koga nismo čuli konkrento po ovoj tački da se obratio pa neću ni ja. Ako se neko sada, neću imenovati ako se bude osjećao prozvanim neka izađe pa ću ga onda imenovati. Znači, prvo smo ovdje od pojedinaca čuli kako građani ne daju novce u mjesnim zajednicama za neke radove, bogami u Kosovi za sve što se radilo građani su dale novce. Dalje, pojedine kolege ovdje izađu i kažu u prošlom mandatu mjesna zajednica je neke novce pronevjeravala, uzimalo se od naroda a isti taj bio zamjenik predsjednika mjesne zajednice, pa druže što nisi reagovao. Dalje, čuli smo ovdje isto ne radi se o kolegi Mešiću. Čuli smo ovdje isto da se u nekim mjesnim zajednicama dobiju sijalice pa se ljestvama promijene i ja bih sutra pristao na to zbog dugog čekanja. Zahvalio bih se gospođi Alić koliko može izađe u susret, jest da se malo duže čeka, obrazloži zašto. Ja sam malo i dosadan po tom pitanju ali predstavljam svoju mjesnu zajednicu. Mislim da čak i građani zovu. Što se tiče službe korektno. Imali smo kolege koji hvale same sebe kako rade u svojim mjesnim zajednicama. Nema veze s vezom. Mislim neki su imali ovdje, htjeli da pohvale službu i Načelnika a oni njih ukopali, svojim nekim izjavama kako se ne daju novce, kako se dobije rasvjeta pa se penje to znači

negdje može, negdje ne može. Tako da trebamo razmisliti prije nego izađe se pohvaliti nekad, umjesto da pohvališ napraviš haos. Što se tiče Kosove da ne bude da samo kritikujem, istina Kosova je rasvjetu dobila u prošlom mandatu, međutim Kosova je i u prethodnim mandatima mnoge stvari uradila. Rasvjetu nije stigla, uradila ju je sada. Učestvovali su, Općina je pomogla koliko se sjećam sve marka na marku. Dva puta po 10.000,00 KM toliko su dali i građani i veoma bitno kad već pričamo i hvalimo svako svoje, treći turus je bio od Ministarstva za raseljena lica 35.000,00 KM. ako već ćemo o tome pričati. Molim vas ljudi ovo je katastrofa slušati, ne znam kako će građani kad budu slušali. Najbolje bi bilo izrezati ovu tačku da se ne sramotimo. Ovo je katastrofa, sramota šta smo ovdje po ovoj tački izjavili. Iz iste mjesne zajednice ja znam ja idem u tu mjesnu zajednicu i tačno je da je svakako rađeno, ima kablova vise, zakačeni na stabla. Drugi izlaze i kaže nema. Vjerovatno onda ne obilazi, ne znam. Evo nisam se ni ja dotakao tačke Dnevnog reda kako je rekao kolega sljedeću nećemo morati, možemo je i preskočit ali dajte kad izađete ovdje razmislite o čemu pričamo i koja je tačka Dnevnog reda. ovo je postalo ljudi hvale sami sebe. Ovo treba zabraniti ko je u Vijeću ne može biti predsjednik svoje mjesne zajednice, sami sebe promovirate.

Predsjedavajuća Aida Bašić: Hvala Adise. Ukoliko više nema diskutana ja bih zamolila gospođu Alić, ukoliko se još uvijek sjeća šta treba odgovoriti uopšte. Izvolite.

Jasmina Alić: Ja bih da vas sve pozdravim i poselamim. Vrlo ću kratko. S obzirom da je već rečeno da u Maglaju nema firme koja može da radi redovno održavanje nama redovno održavanje radi firma iz Živinica. Kvalitetno, brzo, na hitne popravke reaguju jako brzo, međutim ne mogu uvijek. Na općini Maglaj imamo 20 mjesnih zajednica i ovi koji dođu iz Živinica dođu najčešće jednom sedmično i obično kada dođu idemo u jednu mjesnu zajednicu i tada rješavamo to. Sljedeći put kad dođu rješavamo drugu. Onoliko koliko stignemo, ja se izvinjavam Safete u Kopicama desio se slučaj da nije radila rasvjeta. Vi jako dobro znate zašto. Ja ću da objasnim, kada prođe mikser putem koji nije predviđen za mikser on naravno zakači kabel i mi dođemo i popravimo. Kada se opet desi jedno te isto onda ja kažem molim vas vi iz mjesne zajednice možete li nekako reagovati da se to ne dešava stalno. Ljudi kada dođu iz Živinica 2x za redom u Kopice mi zapostavimo ostale mjesne zajednice i onda se dešava kašnjenje. Onda dolaze svi drugi...ja u to ne ulazim zaista, samo da vam kažem na tom mjestu gdje imate prekid kabla, mora se raditi dodatni stub, da bi se osigurala sigurnost i prolaznika i vozila i javne rasvjete i da se riješi taj problem. Znači, ako mi dođemo u 15 dana oba puta u Kopice sve druge mjesne zajednice budu zapostavljene. Zato, nekad imamo kašnjenja ali ovi ljudi rade perfektno, na vrijeme, svi jako dobro znate da kad ima neka hitna popravka i sanacija to se dolazi u roku od 2 dana, to može većina da potvrdi. Ja prihvatam i kritiku a ne volim da me puno hvale jer obično završi ovako. Zato me nemojte ubuduće hvaliti molim vas.

Predsjedavajuća Aida Bašić: Hvala Jasmina. Ukoliko nema više diskutana, zatvaram raspravu a prije toga sam dužna i dobro je što sam ostavila za sami kraj jer do sad bi svi zaboravili šta je Komisija za statutarna pitanja, Poslovnik i propise po ovom dala zaključak na ovu tačku. Komisija je na svojoj sjednici razmatrala tačku 5 a ustvari sada je to tačka 4. i tačku 6. i podsjeća na svoj zaključak sa svoje 9-te sjednice održane 24.04.2023. godine po kome Komisija nije mogla utvrditi pravni osnov za razmatranje te komisija sugeriše Općinskom vijeću Maglaj, odnosno obrađivaču navedenih akata da je neophodno donijeti zaključak o prihvatanju/neprihvatanju navedenog Izvještaja i Programa u kojem bi bile u premabuli navedene i odredbe važećih pravnih akata koje propisuju nadležnost Općinskog vijeća Maglaj da ih razmatra. Komisija sugeriše da u narednom periodu prijedlozi akata o prihvatanju/neprihvatanju Izvještaja budu sastavni dio materijala koji se dostavlja u sazivu za sjednice Općinskog vijeća Maglaj. Ono što sam ja mogla da kroz ovu dugu diskusiju primjetim i sam Načelnik je rekao da ako sam dobro shvatila došlo do tehničke greške i da u potpisu materijala stoji Općinski načelnik a da Vijeće donosi usvaja ili ne usvaja ovaj Plan i program. Stoga ako se slažete da uvažimo ovu tehničku grešku i za ubuduće da se radi tako, da Načelnik bude u potpisu a da mi usvajamo ovaj Plan i program.

Vijećnica Svjetlana Zamboni: Ako smo slušali izlaganja Načelnika već je rečeno da u okviru kapitalnih investicija postoji i poglavlje koje tretira javnu rasvjetu. Stoga, nema razloga da se ovaj

Program izdvaja kao tačka Dnevnog reda u Programu rada Općinskog vijeća Maglaj nego se može razmatrati u okviru kapitalnih investicija za općinu Maglaj za narednu godinu, ukoliko sam dobro shvatila, tako da imat ćemo priliku svakako da ovu tematiku obrađujemo ali i ovo vezano za ovo sad što ste rekli da se ne nalazi.

Predsjedavajuća Aida Bašić: Hvala. Maide, evo kad sam već dopustila Svjetlani onda izvolite i Vi.

Vijećnik Maid Suljaković: Selamim i pozdravljam sve prisutne, ne znam šta je bilo ovo kakva je upadica, rekacija ili šta već ali evo da uputim repliku. Obzirom na probleme koje su kolege iznijele vidljivo je da je ova tema jako važna i zbog toga ne vidim razlog da na Vijeću ne bude Plan i program sanacije, odnosno održavanja javne rasvjete. Nakon što je Jasmina iznijela svoj stav na koji način služba funkcionise očito da je jako nekvalitetno pripremljen i plan i program djelovanja jer mene lično zaustavljaju građani koji se žale na probleme u održavanju javne rasvjete. Nisu mi se žalili na sijalice koje su postavljene ili nisu jer se cijela ova rasprava tretirala na to gdje su postavljene, gdje nisu a ne govori se o tome da javna rasvjeta ne radi po 15 dana. Nemoguće je da firma s kojom se sklopi ugovor dolazi u sedam dana u jednu mjesnu zajednicu pa nakon sedam dana u drugu. Ako uzmemo da je to 20 mjesnih zajednica znači da na red dođe neka mjesna zajednica za nekih 6 mjeseci. To je katastrofa Plan i program i to moramo promijeniti. Zbog toga je ova tačka jako važna, treba da bude na Općinskom vijeću da bismo mi mogli bolje zastupati interese naših mještana. Naši mještani će vidjeti i vjerovatno na RTV Maglaj da je razmatrana ova tačka i da znaju kome se trebaju obratiti po ovom pitanju. Da ne zaustavljaju ljude po ulici, nego da se zna da je potpisan ugovor sa firmom koja održava javnu rasvjetu i da služba zajedno sa Načelnikom treba da nađe bolji način da se javna rasvjeta popravlja. Hvala.

Predsjedavajuća Aida Bašić: Hvala Maide, gospođa Zamboni.

Vijećnica Svjetlana Zamboni (replika): Apsolutno nisam rekla da ovo ne treba raspravljati čak šta više. Mislim da treba raspravljati o ovoj tematici kao kapitalnoj investiciji na području općine Maglaj. Mislim da je to čak i ozbiljnija diskusija o diskusije o Programu i planu sanacije ulične rasvjete. Mene zanima jedna stvar, ako to razmatramo isto pitanje u okviru dva dokumenta kako će jedan na drugi utjecati. Evo odgovorite mi.

Predsjedavajuća Aida Bašić: Hvala gospođu Zamboni. Maide, izvolite replika.

Vijećnik Maid Suljaković (replika): Ja bih najviše volio da mi o ovoj temi na Vijeću nikad ne raspravljamo. Da sanacija javne rasvjete funkcionise kako treba niko ne bi ovu temu spominjao, ne bi nam dolazilo na Vijeće i sve super. Ja se nadam da će u narednoj godini sistem popravke biti ubrzaniji, da se građani ne žale na to i nema potrebe da mi puno i raspravljamo neće se sigurno otvarati ovolika tema, ako sve super funkcionise super svima i to je to. Ukoliko razmatramo u sklopu kapitalnih investicija kada imamo milion drugih stvari mislim da je puno lakše i efikasnije to raditi na ovaj način sve dok sistem popravke javne rasvjete ne dovede na nivo kojima su zadovoljni naši građani eto.

Predsjedavajuća Aida Bašić: Hvala Maide. Gospodin Fetić izvolite.

Vijećnik Samir Fetić: Dobro Maide slažem se malo i djelimično s tobom ali ja bih ako mogu predložiti možda bi bilo to efikasnije i smanjili bi da se novci za održavanje da se da po mjesnim zajednicama pa da mjesna zajednica to radi. Ja sam se bavio tim poslom, tu sam školu završio i znam to raditi, evo ja imam prebacite nama i neće biti problema. Ja kao predsjednik mjesne zajednice prijaviti će mi da ne radi sijalica, imam sredstva imam ovo, otići ću zamijenim i evo ja dajem taj prijedlog. Mislim da je to dobra prijedlog. Ne znam slažete li se vi ostali.

Predsjedavajuća Aida Bašić: Hvala vam. Jasmina vi ste se javili izvolite.

Jasmina Alić: Ja bih samo da ispravim, možda sam se malo pogrešno izrazila. Ne dolaze oni jednom sedmično u jednu mjesnu zajednicu već rješavaju jednu mjesnu zajednicu. Zavisi od koliko kvarova ima sijalica vremenski, to nije jedna mjesna zajednica pa oni idu kući. Možda sam se ja pogrešno izrazila zaista. Oni znaju u jednom danu tri mjesne zajednice riješiti, zavisi od količine prijava, intervencija, ako je nešto hitno dođu. Možda se zadrže čitav dan na jednom mjestu kad traže kvar. Ja sam se možda pogrešno izrazila, izvinjavam se ali oni pošto je to firma koja se jedina javi kad se raspiše postupak javne nabavke, sve ide po zakonu i transparentno. U

postupku davanja ponuda oni se prijave jedini ili budu 2-3 zadovolje. Ta firma radi najbolje koliko može. Ta firma radi u skladu sa svojim mogućnostima. Ko njih se također dešavaju kvarovi, vrlo često pa im onda mašine nisu u funkciji. Onda isto imamo čekanja. Ja bih isto tako bila sretna da imamo opciju u Maglaju nekoga ko bi radio redovno održavanje javne rasvjete da mještani ne moraju dugo čekati. To nije do službe, izvođača to jednostavno nekad nije izvodivo. Svako ko radi na terenu zna da se tako radi. Nekad se neki radovi produže, neki skrate. Mi idemo na dobrobit mještana da imaju što veću sigurnost, djece, svega ali nekad neki kvarovi se dešavaju češće. Negdje moramo otići više puta u neku mjesnu zajednicu pa ponavljam ne znači da oni dolaze jednom sedmično u jednu mjesnu zajednicu, već rješavaju dio po dio radi troškova. Ja idem sa njima jer oni ne poznaju teren, da im uštedim vrijeme da bi do svake kuće došli da bi što više sijalica bilo popravljeno. Još jednom samo da naglasim instalacije javne rasvjete nekad je teško naći i kvar. Nekad treba izmjestiti stub evo u MZ Kopice mora se raditi rekonstrukcija zato se desi da se oduži vrijeme popravke na mjesec dana jer moramo naći način to su privatni posjedi nije sve u putnom pojasu. Žalostno je što ljudi iz Živinica moraju doći u Maglaj da rade održavanje javne rasvjete. Bilo bi najljepše da ima neko ovdje ili da se to da mjesnim zajednicama. Pitanje je i po zakonu da li je izvodivo. Tu ima više pitanja na koje se mora dati odgovor da bi se neki problem riješio. Jako je teško raditi redovno održavanje sa nekom firmom koja je izvana koja ne poznaje teren, kad nemamo zdravu konkurenciju. Da imamo konkurenciju mogli bi više diskutovati. Ja znam samo da mi iz Općine Maglaj, iz službe pokušavamo na što brži, kvalitetniji način riješiti navedenu problematiku. Mi ne pravimo razliku koja je mjesna zajednica. Zaprimaju se prijave ako nema hitne popravke ide se po redoslijedu, ne biram ja jesu li to Kopice ili Kosova. Idemo po prijavama, ljudi idu u tu mjesnu zajednicu, rješavaju tako je jedino i zbog troškova i imate u materijalu gdje piše da se ne ide u mjesnu zajednicu da se rješavaju problemi ako je jedan ili dvije sijalice. Ti ljudi kada dođu iz Živinica njima treba vremena da dođu, dođu po svakakim vremenskim uslovima. Svašta se desi na terenu. Mi idemo da svima bude dobro, da li je to najbolji način to treba neko drugi odlučiti a ne mi ovdje. Vi treba da usvojite ili ne usvojite ovaj Plan, odnosno da budete saglasni sa dokumentom a način održavanja javne rasvjete to treba da riješi služba, Općina. Dokument ko dokument je vaša tematika.

Predsjedavajuća Aida Bašić: Hvala Jasmina, gospodin Begić se javio izvolite.

Vijećnik Jasmin Begić: Pripremajući se za ovu tačku komunicirao sam sa ljudima koji imaju elektro firme u Maglaju. Glavni i jedini problem zašto naše firme ne dobivaju poslove za rasvjetu jeste kako se to stručno zove ona kašika, korpa kako već. Nemate papire uredne za to što prodajete. Znači, ja pozivam službu da u javnom pozivu samo izbriše klauzulu koja nema potrebe da stoji jer se ti uređaji iznajmljuju i oni se plaćaju na sat, nema 90 % firmi možda u Zeničko-dobojskom kantonu te korpe. Samo izbacite da ne bude korpa kao uslov da bi naše firme iz Maglaja mogle učestvovati. Imamo najmanje 4 elektro firme u Maglaju. Mi ćemo riješiti ovaj problem i nećemo govoriti dok ljudi dođu iz Živinica. Samo u sljedećem javnom pozivu izbacite da nema potrebe da bude ta korpa jedan od uslova. Toliko želim da mi odgovorite za govornicom da li je to moguće.

Predsjedavajuća Aida Bašić: Hvala gospodine Begić

Vijećnica Svjetlana Zamboni: Predlažem da se u Plan i program sanacije javne rasvjete uvrsti sanacija ovog dijela u Kopicama gdje mješalica koja prolazi uzastopno prekida taj kabel i da se onemogućiti više taj kvar konkretan prijedlog za Program.

Predsjedavajuća Aida Bašić: Hvala gospođo Zamboni. Molim Vas Jasmina ponudite odgovor gospodinu Begiću.

Jasmina Alić: Ja ću kratko, ja nisam neko ko radi na javnim nabavkama i zaista ne znam dali stoji uopšte da je uslov da ima korpa. Mislim da trebate provjeriti Vi a provjerit ću i ja. Isto tako samo je problem postoje mjesta gdje ne može doći ni ljestve ni korpa.

Predsjedavajuća Aida Bašić: Begiću nemojte sa mjesta, Jasmina odgovorili ste i hvala lijepo. Nakon duge diskusije zatvaram raspravu i stavljam prijedlog gospođe Zamboni na glasanje, ko je za?

Glasalo za: Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Pero Mamić (HDZ BH), Mustafa Bešić (samostalni vijećnik), Safet Jašić(SDA).

Glasalo protiv: Nema.

Uzdržanih: Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Mirsad Bejzić, Eldis Kusur, Edin Osmić (SDA), Mirza Mešić (samostalni vijećnik), Aida Bašić (A-SDA).

Predsjedavajuća Aida Bašić: Kroz sve diskusije mislim da ćemo se složiti da Plan i program održavanja sistema javne rasvjete sa finansijskim pokazateljima za 2023. godinu Općinsko vijeće usvaja a ne donosi s obzirom da je to akt Općinskog načelnika. Ukoliko ste saglasni ovako kako sma rekla stavljam Plan i progrma na glasanje, ko je za ?

Glasalo za: : Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Pero Mamić (HDZ BH), Mustafa Bešić (samostalni vijećnik), Aida Hadžić (DF).

Glasalo protiv: Nema.

Uzdržanih: Elvir Vehabović (samostalni vijećnik), Eldin Pehrat, Adis Abdurahmanović, Edin Salatović, Jasmin Begić, Mirsad Bejzić, Eldis Kusur, Edin Osmić (SDA), Mirza Mešić (samostalni vijećnik), Aida Bašić (A-SDA),

Vijećnik Maid Suljaković nije prisutan za vrijeme glasanja.

ZAKLJUČAK

5.1. Da se u Plan i program održavanja sistema javne rasvjete sa finansijskim pokazateljima za 2023. godinu uvrsti sanacija dijela u Kopicama, gdje mješalica koja prolazi uzastopno prekida kabal i da se onemogućiti taj kvar.

5.2. Usvaja se Plan i program održavanja sistema javne rasvjete sa finansijskim pokazateljima za 2023. godinu

AD 5. Izvještaj o održavanju i sanaciji javne rasvjete sa finansijskim pokazateljima

Predsjedavajuća Aida Bašić: Nastavljamo s radom, tačka 5. Izvještaj održavanju sanacije javne rasvjete sa finansijskim pokazateljima. Ima li potrebe za uvodničarem. Otvaram raspravu, zatvaram raspravu. Ko je za?

Glasalo za: : Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Pero Mamić (HDZ BH), Mustafa Bešić (samostalni vijećnik),

Glasalo protiv: Nema.

Uzdržanih: Elvir Vehabović (samostalni vijećnik), Eldin Pehrat, Adis Abdurahmanović, Edin Salatović, Jasmin Begić, Mirsad Bejzić, Eldis Kusur, Edin Osmić, Maid Suljaković(SDA), Mirza Mešić (samostalni vijećnik), Aida Bašić (A-SDA), Aida Hadžić (DF).

ZAKLJUČAK

6.1. Ne usvaja se Izvještaj o održavanju i sanaciji javne rasvjete sa finansijskim pokazateljima.

AD 6. Izvještaj o implementaciji Strategije razvoja Općine Maglaj 2021.-2027. – Izvještaj o razvoju za 2022. godinu

Predsjedavajuća Aida Bašić: Prelazimo na narednu tačku, otvaram raspravu. Da li nam je potreban uvodničar? Kusur, izvolite.

Vijećnik Eldis Kusun: Ja vas sve selamim i pozdravljam evo predzadnja tačka, neću biti dug. U ime Kluba SDA iznosim stav po pitanju ovog Izvještaja. Što se tiče razvijenosti Maglaja spadamo u srednje razvijene općine gdje su nosioci većeg broja uposlenih firme poput Natrona, Excel, Bonetx i drugi, tako da nam ovaj pokazatelj govori da niti jedna firma nije otvorena sa većim brojem uposlenih u proteklom periodu. Otvaranje malih firmi i obrta zasnovano je na domiciolnom stanovništvu koji otvara i zatvara svoje poslove jer nema jake strategije očuvanja radnih mjesta poput osnivanja fondova za pomoć privredi i poljoprivredi kao i povoljnih kredita sa minimalnim ili nula posto kamatama koje bi dodatno stabiliziralo malu privredu u Maglaju. U poljoprivredi sve je dobro identifikovano samo i tu nema konkretnih mjera u realizaciji ispunjenja tih ciljeva. Budžetom je predviđeno nešto minimalno što ne donosi nikakve rezultate, tako da u Maglaju je preko 80% zemlje koja nije obrađena. To se mora promijeniti po nama na jedan od sljedećih načina, otvaranje zadruga i instaliranje hladnjača koje bi bile garant čuvanja i prodaje tih poljoprivrednih proizvoda a kao što znamo naše građanstvo u zadnje vrijeme u ruralnim područjima sve više pribjegava branju šumskih plodova od kupina, malina, to jeste gljiva itd. Mi na ovom području što se tiče općine Maglaj nemamo ni jednu instaliranu hladnjaču. U narednom periodu trebalo bi se razmišljati da se instalira ta hladnjača kako bi profitirali ljudi sa područja općine Maglaj a ne da dolaze nam ljudi iz Visokog, Teslića itd. Kao što sam rekao znači otvaranje zadruga moglo bi ići na instaliranje hladnjača, čak šta više ima građana koji su spremni da investiraju marka za marku, da instaliraju hladnjaču, da daju određena sredstva da im Općina pomogne u iznosu 50 % ili ne znam koliko više, marka za marku, da se instaliraju te hladnjače. U ovom periodu trenutno sada ruralna područja počevši od novošeherskog kraja i ovaj dio kraja prema Kosovi, Oruče, Ravna ljudi su maksimalno angažirani oko branja šumskih plodova i zaista ne mogu da ih negdje stacioniraju da ima hladnjača, moraju davati po nekim cijenama koje nisu realne au drugim općinama kao što znamo Grad Doboj dole imaju hladnjače i otkupljivači iz Doboja dolaze i uzimaju, evo konkretno vrganj koji je trenutno sada aktuelan daju 10,00 KM po kilogramu a oni ga prodaju po 20,00 KM. Što se tiče Maglaja konketno mi smo takva sredina gdje nemamo nekog prostora da možemo ponuditi konkretno i stranim investitorima sve ove javne površine koje imamo uz M 17 su većinom u privatnom vlasništvu, dok nad nama nažalost općina Žepče imaju mnogo javnih površina, općinsko i državno zemljište, čak šta više profitiraju od općine Maglaj imaju bolji po meni standard i bolje življenje što se tiče građanstva i njihove općine. Svjesni da naš privredni sektor nije toliko razvijen za velike projekte ali o zajedničkim projektom sa Općinom i drugim javnim ustanovama može se napraviti odskočna daska za dolazak i drugih većih investitora. Da napomenemo Općina i javne ustanove ne bi davale novac one bi davale resurse i dugoročno opet zaradile od tih investicija. Za sada šta bi trebalo biti jedan od glavnih strateških fokusa za razvoj Maglaja a to je javno privatno partnerstvo koje je u ovoj Strategiji pomenuto samo jednom na nekom mjestu pri kraju. Da malo obrazložimo tu u kojem smjeru bi mogli ići to partnerstvo. U početnoj fazi mi imamo jako veiki objekat našeg Doma zdravlja zašto ne bismo napravili pismo namjere svojim utiacjem, poznanstvima u zemlji i inostranstvu, obratili se stranim i domaćim privatnim klinikama ili poliklinikama za saradnju pa da mi u Maglaju imamo jedan sprat jer mi zaista u Maglaju imamo jedan sprat koji ne neiskorišten gdje bi se mogla instalirati najnovija tehnologija medicinska, to su CT aparati, to jeste dijagnostička oprema, ima doktor ovdje on zna o čemu govorim, kako naše građanstvo ne bi išlo u Doboj, ne bi išlo u Tešanj ili Zenicu na ove neke dijagnostičke preglede, mogli bi da uradimo sve to u Maglaju. Što se tiče oblasti izgradnje infrastrukture velikih insfrastrukturnih objekata i pretvaranja nefunkcionalnih objekata u moderne i funkcionalne objekte u Maglaju, to je trenutno nemamo, što treba u skorije vrijeme da se vodi računa, da se objekti kao što su tržni centar u Maglaju koji je zaista nefunkcionalan da se pretvori u jedan funkcionalni objekat i da se može koristiti za onu namjenu koja je nekad sigurno bila u planu a ovako mi imamo par radnji u tom centru i to je to, koje nisu funkcionalne. Što se tiče znači Kluba SDA mi smo razmatrali ovaj Izvještaj za 2022. godinu i on se ponavlja iz godine u godinu Copy paste. Znači, nekog razvoja detaljnog nismo vidjeli, tako da SDA, to jeste Klub vijećnika SDA svoj će stav zauzeti po ovom pitanju.

Predsjedavajuća Aida Bašić: Eldise, izvinite to su bile sugestije službi? Hvala. Da li se još neko javlja za riječ. Gospodine Bešlagić, izvolite.

Nermin Bešlagić: Pozdravljam sve prisutne, pa ukratko ovako po kalendaru Zakona o razvojnom planiranju Izvještaj o razvoju je jedna od faza godišnjeg tog planiranja i izvještavanja o razvoju, s te strane Izvještaj za 2022. godinu dolazi u ovom mjesecu, pred kraj godine, nekome možda izgleda čudno ali u biti po kalendaru je to tako iz razloga prikupljanja svih tih makro podataka i ovih koji su sadržani u dokumentu. S te strane, kad kažete Copy Paste, znači otprilike radi se o dokumentu koji uvijek ima isti format, znači da je tu uvodni dio koji sadrži izvod iz Strategije, to je čitav ovaj set makro-ekonomskih podataka. Ovdje su također pregled implementacije po sektorima, pregled implementacije po izvorima prihoda, dati su i loklčani pokazatelji. U vezi ovog poređenja sa Žepčem ili bilo kojom drugom općinom, Općina Maglaj i Općina Žepče su identično rangirani u Izvještaju Zavoda za programiranje razvoja na istom mjestu, s tim što Općina Maglaj ima najveći broj pokazatelja koji su bolji nego u Žepču. Sama pozicija naše općine opredjeljena je procentom odsutnog stanovništva, to je najuticajniji faktor koji utiče na poziciju općine i ste strane to dijelom posljedica prekrajanja granica, dijelom manjeg broja djece i dijelom odsutnog stanovništva. Implementacije se otprilike kretala u rang 5 miliona i 700 i s te strane relativno se može biti i zadovoljan sa implementacijom u 2022. godini. Ovamo u tabeli imate pojedinačno sve ostale intervencije. Što se tiče samog ovog dokumenta, on vidite na ovoj prvoj stranici on se i navodi, tako je zakonom predviđeno da se podnosi kao informacija, znači nije dokument koji se usvaja nego se prima na znanje. Jednostavno informativnog je karaktera i otprilike kao takav je ovdje i predložen.

Predsjedavajuća Aida Bašić: Hvala Nermine. Gospodine Kusr, izvolite.

Vijećnik Eldis Kusr: Kad sam spominjao Žepče samo sam htio, možda sam se i ja pogrešno izrazio, htio sam samo reći da zemljišnom površinom koju imaju oni u državnom vlasništvu, to jeste kojom gazduje Općina Žepče imaju više prostora gdje mogu da razvijaju infrastrukturu da dovode strane investitore, dok smo mi nekako skučeni da nemamo takvih prostora, većinom su to vlasnici privatna lica, dok u Žepču, možda ja griješim kad ulazite u Žepče ispod podvožnjaka na lijevoj strani ono je sve državno zemljište, gdje oni investitore dovode i daju povoljno zemljište u najam, gdje se prave hale, poslovni prostori i dole velike firme, dok mi nažalost smo takvi kakvi jesmo, gdje ne možemo to ponuditi investitorima ali tako je kako je.

Predsjedavajuća Aida Bašić: Hvala Eldise. Gospodin Bešić, izvolite.

Vijećnik Mustafa Bešić: Po pitanju ove tačke, pošto dolazim iz jedne tranše bavim se jednom granom poljoprivrede, proizvodnjom voća. Ne mogu da se ne dotaknem, što se tiče sela i mjesta 90 %% možemo kazati da je to zaključano, mislim naših njiva. Evo konkretno u mojoj mjesnoj zajednici da nam nema od Karimovića ovih krdo krava što je došlo vjerujte da bi u Domislicu došle ostruge. Ja svodnevno dolazim i radim gore vidim kakav je situacija. Ja bih volio da ovo bude sve što kaže Eldis Kusr da mi napravimo nešto ali vjerujte otelo se. Neće više ni seljak da radi bogami. Ne rade ljudi, neće da rade ljudi vjerujte. Oni rade ali nešto drugo. Na selu, ja sam i prošli puta pričao u mojoj Domisluci imamo možda jedno 2-3 farmice koje jedno imaju 15 krava i imamo dvije pojedinačne 2-3 krave. Vjerujte da trebaš mjesec dana čekati da uzmeš kilogram sira ili mlijeka. Ja bih volio da se otvore hladnjače ali ne znam zašto će nam. Ja bih volio da griješim ali vidim evo ja sam proizveo sad možda negdje oko 3,5 do 4 tone jabuke, kruške i šljive i jedini sam ja novošeherskom kraju koji sam imao urod, jedini, nema drugog čovjeka. Niko ništa, vjerujte, ljudi rade, bave se nekim poslom ali poljoprivreda nula bodova. Neće ljudi da rade, imaju možda bolju negdje na drugom mjestu zarade, neće da rade ljudi i uopšte se bave. Ovo što nam se dešava vjerujte još će hrana otići. Nama svima da je negdje naći da malo s lahke strane ali ne možemo svi, nismo ni svi školovani, mora neko raditi i lopatu uzeti i kranp da se bavi. Evo u mene, ja školujem dijete, kod mene sin otišao, kaže babo nemoj mene, ja sam ovamo, pa dragi sine ti ne znaš drugo, ko će ti nacijepati drva. Džaba što ti imaš fakultet, ko će ti to. Mislim od toga moramo krenuti, mi smo umrli što se tiče poljoprivrede umrli, mrtvi, bogami. Ja garantujem da u nas 200 kuća ako ima tona krompira da je izvađeno, evo javno govorim. Ja bih volio da ja griješim, ja bih volio da nam bude lijepo da imamo hranu ali je to, vidim ja kad prođem njivama sve zaraslo. Ja sam unazad 10

godina mogao do njive doći s traktorom sad ne mogu, to su ostruge. Kod mene je njiva malo jedno kilometar od sela. Moram malo da objasnim, daj Bože da ja griješim da bude sve uredu, da nam bude sve hajr ali trenutno je takva situacija. Ja sam malo skrenuo na onu temu što mene, eto toliko.

Predsjedavajuća Aida Bašić: Hvala Bešiću, gospodine Kusur izvolite.

Vijećnik Eldis Kusur: Mislim što se tiče moje diskusije oko ove tačke ja kad sam govorio za hladnjače ja sam mislio na kompletno područje općine Maglaj. Zaista ja razumijem Bešu i dolazimo iz istog mjesta i ja isto Domislicu volim kao i on što voli, tako da ne treba čovjeku zamjeriti. Čovjek priča subjektivno, srcem i ovo što govori ali druga mjesta evo konkretno Kopica pošto i dole gravitiram, vjerujte vi ljudi da gore ljudi dnevno 5-6 hiljada maraka prodaju vrganja čovjeku iz Kamenice koji samo uzme te vrganje i prebaci u Čobe do džamije i drugi otkupljivač iz Visokog koji ima hladnjaču uzme te vrganje. Jučer je čovjek imao dnevnicu u Kopicama 980, 00 KM za vrganje. Ja generaliziram, trebaju se instalirati ali imamo evo zadruge ali zaista u nas ovo što reče Mustafa je tako ali ima sela pored nas Kopice imaju velike površine maline i ljudi rade, bave se poljoprivredom tako u narednom periodu nadam se da će doći neka bolja vremena da o ovim stvarima ovako i drugim stvarima koje su od vitalnog značaja za naše stanovništvo nećemo govoriti na ovom nivou nego ćemo svi zajedno rješavati ove probleme koji su se nagomilali godinama i godinama i nagomilavaju se jer zaista vrijeme ide teško. Molim Boga da svima pomogne ali zaista mora se krenuti u nekom drugom smjeru jer naše stanovništvo masovno evo konkretno kod nas 40 kuća je praznih. Ljudi su otišli na zapad tako da mi koji živimo i radimo ovdje u gradu pa idemno gore konkretno putujemo kući zaista stagnira. Možete misliti gdje su manja područja koliko se to primjeti tako mora se pomoći tim ljudima iole koliko god se bavio poljoprivredom, imao jednu kravu ili dulum malina treba naći način i da se tim ljudima pomogne i da se ti ljudi stimulišu kroz neke projekte i programe koje predviđa ova lokalna zajednica.

Predsjedavajuća Aida Bašić: Hvala. Da li ima više diskutana, gospodine Bešlagić molim vas samo da nešto razjasnim pošto stoji Izvještaj a Vi ste rekli da se prima kao informacija ako sam dobro shvatila. Možete za govornicu molim Vas.

Nermin Bešlagić: Dobro je primjećeno ovo je jedna kolizija u samom zakonu. U čitavom zakonu se to zove Izvještaj o razvoju, međutim u samoj proceduri nije predviđeno usvajanje nego informacija koja se daje Skupštini, Općinskom vijeću.

Predsjedavajuća Aida Bašić: Što znači da mogu konstatovati da smo primili k znanju.

ZAKLJUČAK

7.1. Prima se k znanju Izvještaj o implementaciji Strategije razvoja Općine Maglaj 2021.-2027. – Izvještaj o razvoju za 2022. godinu.

AD 7. Informacija o realizaciji preporuka revizije Općine Maglaj za 2020. godinu

Predsjedavajuća Aida Bašić: Prelazimo na tačku 7. Pauza na zahtjev Kluba SDA. Nakon pauze nastavljamo dalje. Tačka 7. Informacij o realizaciji preporuka revizije Općine Maglaj za 2020. godinu. Otvaram raspravu, uvodničar je tu, da li nam je potreban uvodničar? Nije. Gospodin Abudrahmanović, izvolite.

Vijećnik Adis Abudrahmanović: Pošto nije uvodničar bio ja ću postaviti par pitanja na koja bi on možda i odgovorio. Obzirom da ovu tačku Dnevnog reda čekamo neko vrijeme na Općinskom vijeću trebalo bi dobiti odgovore predlagača materijala koje ću ja postaviti ispred Kluba vijećnika SDA. Zbog čega se ne uvodi trezorsko poslovanje, da li je urađena analiza eventualnih troškova za uvođenje ovog načina poslovanja i ako jeste koji je to iznos? Da li je moguće da se sistem unutrašnjih kontrola uspostavlja već dvije godine i da isti još uvijek nije priveden kraju, koji je razlog za to? Zbog čega je problem sačinjavati Plan kapitalnih izdataka? Kada je poslat upit Federalnom ministarstvu finansija vezano za poreze i doprinose na naknade za rad zaposlenika u komisijama i da li je odgovor došao ukoliko je odgovor poslat. Hvala.

Predsjedavajuća Aida Bašić: Hvala Abudrahmanović. Da li se još neko javlja za riječ? Ukoliko nema ja bih zamolila Senadu da odgovori na postavljena pitanja.

Senada Alibajraktarević: Selamim i pozdravljam sve prisutne. Pokušat ću odgovoriti na postavljena pitanja od vijećnika Abudrahmanovića. Što se tiče trezorskog poslovanja znači ja u ovom momentu ne mogu odgovoriti koliko košta to. Zakonska obaveza je uvođenja tog trezorskog poslovanja, kolegica koja je izvještavala po prošlom Izvještaju o realizaciji preporuka revizije vam je objašnjavala tu stavku, odnosno tu priču. Tu je konkretno potrebno uvesti kompletan novi hardver, softver i provesti kompletnu obuku zaposlenika u Općini Maglaj. Koliko to finansijski košta, stvarno ne znam i vrlo je malo Općina koje su prešle na sistem trezorskog poslovanja. U Zeničko-dobojskom kantonu od 12 općina samo su dvije u sistemu trezora i mi smo se javljali na neke Javne pozive gdje su donatori finansirali uvođenje trezorskog poslovanja, međutim nismo prošli na tim javnim pozivima a u dosadašnjim Općinskim Budžetima nismo imali finansijske mogućnosti za provođenje ove stavke. Što se tiče sistema unutrašnjih kontrola, ja nisam nadležna da odgovorim na to pitanje doke se došlo sa uvođenjem tog sistema a znam samo da u Pravilniku o unutrašnjoj sistematizaciji u Općini Maglaj postoje distemtizovano radno mjesto i za to radno mjesto potrebno je imati certifikat internog kontrolora i uz završen fakultet i iskustvo u struci. Plan kapitalnih izdataka zašto se ne usvaja je li takvo pitanje. To nije bila preporuka revizije u tom smislu kako ste vi rekli. Vi ste na malo prijašnjim tačkama razgovarali o Planu kapitalnih izdataka. To je nešto što usvajate vi kao Vijeće na prijedlog resorne službe i na osnovu tog usvojenog plana realizuju se pozicije u Budžetu koje donosi Općinsko vijeće. Vjerovatno ste mislili na ovu tačku preporuku broj 10. je li vezano za to? Zatvaranje konta kapitalnih primitka i izdataka na kraju godine vršiti u skladu sa Pravilnikom o knjigovodstvu budžeta u Federaciji Bosne i Hercegovine. To je objašnjeno time da mi radimo zatvaranje tih konta prema našem Pravilniku, odnosno prema Zakonu o budžetu ali revizorka su u ovom konkretnoj preporuci mislile da se zatvaranje konta vrši isključivo prema trezorskom načinu poslovanja. Kod nas je program ne samo kod nas nego i za sve budžetske korisnike koji rade godišnji obračune zatvaranje a od tih konta na kraju godine se automatski vrši po programu koje ne podrazumjeva trezor. Znači, jedina preporuka je to i odnosi se na ne uvođenje trezora i samim tim ova tačka preporuke i dopis Federalnom ministarstvu finansija, to vjerovatno se odnosi na ovu preporuku broj 7. Poreze i doprinose za naknade za rad zaposlenika u komisijama. Tu postoji jedna suprotnost između Federalnog ministarstva finansija i predstavnika Ureda za reviziju institucija Federacije Bosne i Hercegovine. Ministarstvo objašnjava da te poreze i doprinose treba obračunavati onako kako mi obračunavamo dok predstavnici Ureda za reviziju misle suprotno. Kada pregledate Izvještaje od većine Općina koje radi Ured za reviziju oni u većini Općina su stavljali tu primjedbu i sve Općine imaju isti ovaj stav. Konkrento pitanje kada je otišao dopis, ja vam ne mogu reći, pošto je to radila kolegica ne mogu vam reći kada je to. Do dana današnjeg mi nismo dobili odgovor i mi postupamo i sad po važećoj instrukciji od Federalnog ministarstva finansija. Mislim da sam dala odgovore na sva pitanja.

Predsjedavajuća Aida Bašić: Hvala Senada, da li se još neko javlja za diskusiju? Ukoliko nema nikog više, zatvaram raspravu i obzirom da se radi o informaciji konstatujem da Informaciju primamo k znanju.

ZAKLJUČAK

8.1. Prima se k znanju Informacija o realizaciji preporuka revizije Općine Maglaj za 2020. godinu.

Predsjedavajuća Aida Bašić: Prelazimo na vijećnička pitanja i inicijative. Suljaković, pa Jašić, Kusur.

Vijećnik Maid Suljaković: Na osnovu zahtjeva mještana novošeherskog kraja postavljam sljedeće pitanje: Zbog čega je smanjen broj zdravstvenih usluga mještana Novošeherskog kraja u ambulanti Novi Šeher koji se odnosi na broj dana u kojima se radi uzimanje nalaza, ultrazvuk i drugo.

Predsjedavajuća Aida Bašić: Hvala Maide, Jašić, izvolite.

Vijećnik Safet Jašić: Ja ima jednu inicijativu i možda je bitnija nego ono sve što sam maloprije govorio a možda i ostali vijećnici. Naime u MZ Kopice je ugroženo pravo velikog broja građana.

Obzirom da neka entitetska linija prolazi kroz naseljeno mjesto te građani imaju niz problema. Prilikom traženih dozvola za građenje, priključak električne enrgije itd.

Molim službu da se u ime građana obrati Federalnoj upravi kako bi ovaj problem bio prevaziđen. Može se primjetiti da se čak neki građani iseljavaju zbog svega navedenog. Nadam se da ćete poduzeti sve kako bi se ovaj problem riješio.

Predsjedavajuća Aida Bašić: Hvala Jašiću. Kusus izvolite.

Vijećnik Eldis Kusus: Ja imam jednu inicijativu i jedno pitanje ali u psimenoj formi ću dostaviti gospodici Elzi. Pokrećem inicijativu da se izvrši nasip i sanacija makadamskog puta Domislica-Brezove Dane, te makadamskog puta Domislica-Čobe, jer je isti u katastrofalnom stanju. Znamo da je odobren projekat od Vlade Zeničko-dobojskog kantona za asfaltiranje puta Domislica-Čobe, ali je isti mnogo oštećen pa bi trebalo uraditi preventivnu sanaciju istog. Prije par dana obratili su mi se građani hrvatske nacionalnosti iz zaseoka Beše i Lugovi da je nemoguće koristiti makadamski put i traže da se na isti izvezu bar dva kamiona pjeska i pošalje mašina kako bi ga malo uteglo i uredilo do spajanja na put Kamenica-Kopice. Na ovom terenu živi i žena koja je bolesna i otežano je korištenje ovog puta. Ispred Mjesnog vodovoda Domislica postavljam pitanje:”U kojoj je fazi realizacija odobrenih sredstava od strane Vlade Zeničko-dobojskog kantona u novčanom iznosu od 30.000,00 KM za sanaciju i rekonstrukciju vodovoda”. Nas u Vodovodu zanima da li su sredstva uplaćena, da li imaju informaciju kada bi mogla biti realizacija i implementacija predmetnog projekta?

Predsjedavajuća Aida Bašić: Hvala gospodine Kusus, da li ima još. Begić izvolite.

Vijećnik Jasmin Begić: Podnosim inicijativu, grupa vijećnika u Općinskom vijeću Maglaj. Inicijativa za pokretanje opoziva Načelnika općine Maglaj Mirsada Mhamutagića. U skladu sa odredbom člana 6. Zakona o izboru, prestanku mandata,. Opozivu i zamjeni načelnika općina u FBiH („Službene novine FBiH“, broj: 19/08), te odredbama člana 38. Statuta Općine Maglaj-prečišćeni tekst („Službene novine Općine Maglaj“, broj:08/07, 03/08 i 06/08) mi dolje potpisani vijećnici Općinskog vijeća Maglaj, kao kvalifikovani i ovlašteni predlagači, podnosimo inicijativu za pokretanje postupka opoziva Načelnika Općine Maglaj Mirsada Mahmutagića.

Inicijativa se podnosi zbog konstantnog kršenja odredaba Zakona o principima lokalne samouprave u FBiH i Statuta Općine Maglaj, zatim radi nepoštivanja i neprovođenja Odluka i Zaključaka Općinskog vijeća Maglaj, zatim nepoštivanja odredbi Zakona o budžetima FBiH i samovoljnog, netransparentnog i nesavjesnog trošenja Budžeta Općine Maglaj na štetu građana općine Maglaj, upitnosti zakonitosti predlaganja akata O pćinskom vijeću, kao i kršenja niza drugih zakonskih propisa iz oblasti radnih odnosa, javnih nabavki, ekologije, urbanizma..

Također, razlog ove inicijative je niz istraga koje nadležni organi i agencije provode protiv protiv istog, te i potvrđena optužnica od strane Kantonalnog tužilaštva u Zenici zbog krivičnog djela nesvjestan rad u službi.

Iz svega gore istaknutog se vidi da Načelnik općine Maglaj Mirsad Mahmutagić nesavjesno i nedogovorno obavlja funkciju koja mu je povjerena od strane građana, te iz navedenog razloga mi dolje potpisani vijećnici tražimo donošenje Odluke/Zaključka o prihvatanju ove inicijative za pokretanje postupka opoziva Načelnika općine Maglaj, te na taj način Općinsko vijeće Maglaj reuzme odgovornost i obaveze povjerene od strane građana i sprijeći dalje štetne posljedice po općinu Maglaj i hitno u skladu sa zakonom, ovu inicijativu uvrsti na dnevni red i pokrene postupak opoziva gore imenovanog.

Odluka/Zaključak o prihvatanju inicijative , a u cilju zakonite realizacije iste, između ostalog, treba da ima sljedeće tačke:

- Općinsko vijeće Maglaj prihvata inicijativu za pokretanje postupka opoziva Načelnika općine Maglaj Mirsada Mahmutagića,
- Obavezuje se rukovodstvo Općinskog vijeća Maglaj da u skladu sa zakonom, najkasnije u roku od 30 dna od dana prihvatanja ove inicijative, zakaže sjednicu Općinskog vijeća Maglaj na kojoj će se razmatrati Prijedlog Odluke o pokretanju opoziva Načelniku općine

Maglaj i svi svi drugi akti potrebni za organizovanje opoziva načelnika i održavanja refernduma građana o opozivu načelnika.

-Općinsko vijeće Maglaj zadužuje nadležnu službu da pripremi i utvrdi sve prijedloge akata o kojima se treba izjasniti Općinsko vijeće, kako bi se navedena inicijativa realizovala u skladu sa zakonom.

-Zadužuje se Načelnik općine Maglaj da u skladu sa zakonskim propisima, prearaspodjelom budžetskih sredstava obezbjedi sredstva za provođenje ove procedure.

Predsjedavajuća Aida Bašić: Hvala gospodine Begić. Da li ima više vijećnika koji se javljaju za inicijative. Nema ukoliko nema konstatujem da je 31. redovna sjednica završena u 19,15 sati.

Zapisničar

Elza Gračić



PREDSJEDAVAJUĆA

Aida Bašić